

Ergaa Phaawulos Gara Warra Roomaatti Erge

Nagaa

1 ¹ Ani Phaawulos hojjetaan Yesus Kristos ergamaa ta'uudhaaf waa-mamee, wangeela Waaqayyoo lalla-buudhaaf addaan kanan baafame kana caafuu koo ti*. ² Wangeeli kun isa Waaqayyo duraan dursee karaa raajota isaatii caaffata qulqullaa'aa keessatti abdachiisee dha*. ³ Inni waa'ee ilma isaa isa akka fooniitti sanyii Daawit keessaa dhalatee dubbate*. ⁴ Akka qulqullummaa isaa isa hafuuraatti immoo, warra du'an keessaa ka'uudhaan Yesus Kristos gooftaan keenya ilma Waaqayyoo ta'uun isaa humnaan beeksifameera*. ⁵ Ulfina maqaa isaatiif saba lafa irraa hundumaa gara amantiitti, gara abboomamuutis geessuudhaaf ayyaani ergamoota ta'uu, isumaan nuuf kennameera*. ⁶ Isinis immoo warra kan Yesus Kristos ta'uudhaaf waamaman sana keessa jirtu. ⁷ Ammas isin warra Roomaa jiraattan, warra Waaqayyo jaallatee isaaf akka qulqullooftaniif isin waame hundumaan, "Waaqayyo abbaan keenya, gooftaan keenya Yesus Kristosis ayyaana, nagaas isiniif haa kennu!" jedheetan nagaa koo isiniif dhi'eessa*.

*1 HoE 9:15; 13:2; Gal 1:15
*2 16:25-26; Tit 1:2
*3 9:5; Mat 22:42; 2Xim 2:8
*4 HoE 13:33-34; 1Phe 3:18
*5 15:15-19; Gal 2:7-9; HoE 26:16-18
*7 1Qor 1:1-3; 2Qor 1:1-2; Efe 1:1-2; Lak 6:24-26

Kadhata Galataa

8 Duraan dursee, amantiin keessan guutummaa biyya lafaatti waan beekameef sababii hunduma keessaniitiif jedhee, Yesus Kristosiin Waaqayyo koo nan galateeffadha*. ⁹ Ani wangeela ilma isaatii lallabuudhaan garaa koo guutuudhaan Waaqayyoo nan hojje-dha; inni ani hojjeeduuf kunis yeroo hundumaa kadhata koo keessatti akkan isin yaadadhu in beeka*. ¹⁰ Waaqayyo, jaalala isaa yoo ta'e, dhufee isin arguuf akka ana dandeessisuuf nan kadha-

dha*. ¹¹ Ani kennaa hafuuraa isiniin ga'uudhaan akka isin ittiin jabaattaniif isin arguu yaada. ¹² Caalaadhumatti iyyuu amantii waliitiin akka jajjabeeffamnu, kana jechuunis isin amantii kootiin, anis amantii keessaniin akka wal jajjabeeffamnuuf*. ¹³ Yaa obboloota ko, yeroo baay'ee dhufee isin arguudhaaf akeeku koo akka beektan nan jaalladha; garuu yeroo hundumaa hamma ammaatti ittifameera. Saba Waaqayyoo warra hin ta'in, warra biraa keessatti akkuman hojjeedhe, hojii ija qabu isin gidduutis hojjechuufan ture*. ¹⁴ Ani saba hundumaa fuu, warra Griikotaa fi warra Griikota hin ta'iniifis, warra beektotaa fi warra wallaalo-taafis kanan itti gaafatamu gatiitu ana irra jira*. ¹⁵ Kanaaf ani isin warra Roomaa jiraattaniitti immoo wangeela lallabuudhaaf dhimmamaa dha*.

*8 16:19; 1Tas 1:8
*9 Filp 1:8; Efe 1:16
*10 15:23,32; HoE 19:21
*12 Filp 1:5; 2Phe 1:1
*13 15:22; HoE 19:21
*14 1Qor 1:23,24
*15 HoE 28:30,31

Humna Wangeelaa

16 Ani wangeelatti hin yeella'u, inni humna Waaqayyoo isa warra amantii qaban hundumaa, duraan dursee warra Yihudootaa akkasumas warra Griikotaa fayyisuu dha*. ¹⁷ Qajeelummaan Waaqayyo namaaf kennu amantii irra in dhaabata gara amantiitis nama in geessa. Kunis wangeela keessatti in mul'ata; akkuma caafamee jiru immoo, "Namni amantiidhaan fuula Waaqayyoo duratti qajeelaa ta'e jireenya dhugaa in jiraata*."

*16 Far 119:46; Mar 8:38; HoE 13:46; 1Qor 1:18,24; 2Xim 1:8
*17 3:21-22; Gal 3:11; Ibr 10:38; Anb 2:4

Yakka Sanyii Namaa

18 Dheekkamsi Waaqayyoo, Waaqayyo malee jiraachuu fi, jal'ina namootaa hunduma irratti waaqa irraa in mul'ata, isaanoo jal'ina isaaniitiin

dhugaa gad in ukaamsu*. ¹⁹ Waa'ee Waaqayyootiif beekuun kan namaaf danda'amu isaaniifis hubatamaa dha, kanas Waaqayyo ofii isaa isaanitti hubachiiseera*. ²⁰ Bifni isaa ijaan hin argamne; garuu humni isaa inni bara baraa, waaqummaan isaas erga biyyi lafaa uumamee jalqabee waan inni uume irratti qalbifatamee yaadatti argamuu in danda'a; kanaafis waan itti qabatan hin qaban*. ²¹ Waaqayyoon utuma beekani, akka Waaqayyooti ulfina hin laanneef, galatas isaaf hin galchine; garuu yaada isaaniitiin waan waa'ee hin baafne duukaa bu'an, sammuun isaani in duudaanis in dukka-neeffame*. ²² Ogeessota utuma ofiin jedhanii gowwooman*; ²³ ulfina Waaqayyo isa hin duunee, bifa nama isa du'uutti, bifa simbirrootaatti, bifa bineensa miilla afuriitti, bifa warra lafa irra munyuuqaniitis diddiiran*.

*18 2:5,8,9; Efe 5:6; Qol 3:6; Isa 66:15
*19 HoE 14:15-17; 17:24-28
*20 Far 19:1; 104; Iyo 12:7-9; 37-38; Isa 40:26; Ibr 11:3
*21 Efe 4:17-18; Mul 14:7
*22 Er 10:14; 1Qor 1:19-21
*23 Kes 4:15-19; Far 106:20

24 Kanaafis Waaqayyo kajeellaa garaa isaaniitiin xuraa'ummaatti, walii isaani gidduutis dhagna isaani salphisuutti dabarsee isaan kenne*. ²⁵ Isaan dhugaa waa'ee Waaqayyoo sobatti diddiiraniiru; Waaqayyoon isa hundumaa uume dhiisanii, uumamaaf sagadanii, hojjetaniif. Waaqayyo garuu bara baraan galateeffamaa dha! Ameen.

*24 HoE 14:16; 1Tas 4:5

26 Sababii kanaaf Waaqayyo kajeellaa nama salphisutti dabarsee isaan kenne; dubartoonni isaaniis karaa ittiin fedha fooniitiif dhiiraa wajjin wal bira ga'an isa uumamaan kennameef dhiisanii, gara isa uumamaan isaaniif hin kennaminitti diddiiratan. ²⁷ Warri dhiiraa akkasuma karaa ittiin fedha fooniitiif dubartootaa wajjin wal bira ga'an, isa uumamaan kennameef dhiisanii, kajeellaa walii isaaniitiin gubatanii; warri dhiiraas walii isaani gadhoomsanii, beekaa karaa irraa jal'isuu isaaniitiif adaba dhagna isaani akka ta'utti fudhataniiru*. ²⁸ Isaan Waaqayyoon beekuu, dubbii qajeelaatti waan hin lakkaa'iniif, Waaqayyo

immoo yaada jal'aadhaa fi, waan namni hin hojjenne hojjechuutti dabarsee isaan kenne. ²⁹ Isaan jal'ina, hammina, sassata, gadhummaa hundumaan guutamani turan. Kanaanis guutamani in hinaafu, in ajjeesu, nama in lolu, in gowwoomsu, warra kaaniif isa gadhee in hawwu, dhoksaa namaa in mul'isu*; ³⁰ in hamatu, Waaqayyoon in jibbu, humnaan nama irratti in ka'u, in afuufamu, of in jaju, hamaa lafaa fuudhanii in bixxilu, warra isaaniif hin abboomaman*. ³¹ Qalbii hin qaban, waan dubatan hin eegan, jaalala of keessaa hin qaban, oo'as hin qaban. ³² Akka abboomii Waaqayyooti warra kan akkasii godhaniif duuni akka isaaniif ta'u, in beeku. Haa ta'u iyyuu malee, ofii isaaniitiin kan akkasii in godhu; kana gochuu isaani duwwaas utuu hin ta'in, warra kana godhaniin "Ba'eesa gootan" in jedhu.

*27 Lew 18:22; 1Qor 6:9
*29 Gal 5:19-21; Efe 5:3-4
*30 2Xim 3:2-4

Waaqayyo Namoota Hundumaaf Firdii Kennuu Isaa

2 ¹ Kanaafis ati yaa isa nama bi-raatti faradduu, waan itti qabattu hin qabdu! Ati inni namatti faraddu, isuma namichi sun hojjetee waan hoj-jettuuf, firdii isatti faraddeen ofitti in faradda*. ² Nuvi garuu firdiin Waaqayyoo inni warra waan akkasii hojjetan irratti dhufu qajeelaa akka ta'e in beekna. ³ Ati yaa namana! Warra waan akkasii hojjetanitti faradda, ofii keetii immoo isuma sana yommuu gootu, firdii Waaqayyoo jalaa baqattee kan baatu sitti fakkaataa? ⁴ Yookiis baay'ina gaarummaa isaa, obsa isaa, siif danda'uu isaa salphaatti ilaaltaa ree? Gaarummaan Waaqayyoo gara geddarannaa yaada garaatti akka si geessu hin hubattuu ree*? ⁵ Mata-jabina keetii fi yaada garaa keetii geddarachuu di-duu keetiin garuu, guyyaa dheekkamsaatiif guyyaa firdiin Waaqayyoo inni qajeelaan itti mul'atuuf dheekkamsa of irratti walitti in qabda; ⁶ Waaqayyo nama hundumaafuu adda addaan akkuma hojii isaatti gatii in kennaaf*. ⁷ Inni warra obsaan waan gaarii hojjechaa, guddina, ulfina hin darbine, jireenya hin badnes Waaqayyo biraa argachuu

barbaadaniif jireenya bara baraa in kennaaf*. ⁸Namoota warra ofittoo warra dhugaadhaaf abboomamuu didanii, seera Waaqayyoo malee jiraachuudhaaf abboomamanitti garuu in dheek-kama, isaan in ifatas*. ⁹Dhiphinnii fi gidiraan lubbuu nama hamaa godhu hundumaatti in dhufa; kunis duraan dursee nama Yihudii irratti akkasumas nama Yihudii hin ta'in irratti in dhufa. ¹⁰Guddinni, ulfinni, nagaan nama waan gaarii hojjetu hundumaaf in ken-nama; kunis duraan dursee nama Yihudiiittiif akkasumas nama Yihudii hin ta'iniif in kennama. ¹¹Waaqayyoo nama wal hin caalchisu*.

*1 14:10; Mat 7:1-2; Luq 6:37; Yoh 8:7; Yaq 4:12

*4 2Phe 3:9,15

*6 Far 62:12; Fak 24:12; Er 17:10; Mat 16:27; 2Qor 5:10

*7 Mat 25:34; 13:43; Yoh 5:29

*8 2Tas 1:8,9; Yoh 3:36

*11 HoE 10:34; Qol 3:25; 1Phe 1:17; Kes 10:17

¹²Warri seera utuu hin qabaatin yakkan hundinuu, seerichi utuu hin ilaalam in dhumu; warri seera qabaatanii yakkan hundinuu, seerichaan isaanitti in faradama. ¹³Warri seera dhaga'an Waaqayyoo duratti qajeelota hin ta'an, waan seerichi abboomu warri godhan garuu qajeelota in ta'u*. ¹⁴Yihudoota kan hin ta'in warri seericha hin qabne, uumama isaanittiin waan seerichi isaan irraa barbaadu yeroo hojjetan, yoo seericha hin qaban ta'e iyyuu isaan ofuma isaanii keessaa seera qabu*. ¹⁵Isaan, hojiin seerichi abboomu garaa isaanii keessatti akka caafamee jiru in argisiisu; dhageettiin garaa isaanii akkasumas yaadni garaa garaa takka takka isaan hadheessan, takka takka immoo isaaniiif falman, waa'ee kanaaf dhugaa ba'uu isaanii ti*. ¹⁶Akka wangeela ani barsiisuutti, guyyaa Waaqayyoo harka Yesu Kristosiin dhoksaa namootaa bakkee baasee faradutti, wanti kun in beekama*.

*13 Mat 7:21; Yaq 1:22,25

*14 HoE 10:35

*15 1:19,32; Ibr 8:10

*16 1Qor 4:5; 2Xim 2:8

Seera Qabaachuu Duwwaan Kan Hin Geenye Ta'uu Isaa

¹⁷Ati garuu "Ani Yihudii dha" ofiin jetta, seerri anaaf jira jettee in amanatta, "Waaqayyoo dhuunfaa koo ti" jettee of in jajja. ¹⁸Jaalala Waaqayyoo beekta; seerichaan barsiifamtee, isa ta'uu fi isa hin taane gargar baafttee in himta*. ¹⁹Jaamotaaf karaa argisiisaa, warra dukkana keessa jiraniif ibsaa akka taate of amanatta*. ²⁰Seericha keessattis beekumsaa fi dhugaa isa bifa macaafaatti qophaa'e waan argattee, gowwoota in gorsita, wallaalotas in barsiifta. ²¹Yoo akkas ta'e immoo, ati warra kan biraa kan barsiiftu, ofii kee immoo hin barsiiftuu? "Hin hatin!" jettee utuma lallabduu, ofii keetii immoo in hatta mitii*? ²²"Hin ejjin!" in jetta, ati immoo in ejjita mitii? Ati waaqayyolii tolfaman in ciigaata, galma isaanii immoo in saammatta mitii? ²³Seera Waaqayyoo qabaachuu keetiin of in jajja, seericha cabsuu keetiin immoo maqaa Waaqayyoo in salphifta mitii? ²⁴Akkuma caafamee jiru, "Saba-bii keessaniif maqaan Waaqayyoo warra saba Waaqayyoo hin ta'in gidduutti in arrabsama" in jedha*.

*18 Filp 1:10

*19 Mat 15:14

*21 Far 50:16-21; Mat 23:3-4

*24 Isa 52:5; His 36:20-23

²⁵Waan seerichi abboomu hundumaa yoo goote, dhagna-qabaan siif waa'ee in baasa; seericha irra yoo daddarbite garuu, dhagna qabachuun kee akka waan dhagna hin qabatin hafteetti in lakkaa'ama*. ²⁶Namni dhagna hin qabatin immoo waan seerichi gaafatu yoo ege, dhagna hin qabatin hafuun isaa akka dhagna-qabaatti hin lakkaa'amuufii ree*? ²⁷Egaa namni akka uumametti utuu dhagna hin qabatin hafee waan seerichi abboomu raawwatu, sitti in farada, ati seericha caafame utuu qabduu, utuma dhagna qabatuu seericha irra in daddarbita. ²⁸Namni bifa isa bakkeetti mul'atuun Yihudii waan ta'eef, Yihudii dhugaa hin ta'u; dhagna-qabaan fooniis dhagna-qabaa dhugaa hin ta'u*. ²⁹Namni keessa namummaa isaatii isa bakkeetti hin mul'anneen Yihudii ta'e garuu, Yihudii dhugaa dha; dhagna-qabaan yaada garaa namaas dhagna-qabaa isa

dhugaa dha; kunis hojii hafuura Waaqayyoo ti malee, hojii seericha isa caafamee miti. Namni akkasii kun Waaqayyoo biratti malee, namoota biratti hin jajamu*.

*25 Er 4:4; 1Qor 7:19; Gal 6:13

*26 Gal 5:6

*28 9:6; Yoh 8:39

*29 Kes 30:6; Filp 3:3; Qol 2:11

Qajeelina Waaqayyoo Fi Jal'ina Namootaa

³¹Egaa Yihudiin caalmaa maalii qaba ree? Yookiis bu'aan dhagna-qabaa maali ree? ²Karaa kam iyyuu bu'aa baay'ee qaba, bu'aa kana keessaa inni caalu, sagaleen abdii Waaqayyoo Yihudootatti hadaraa kennamuu isaa ti*. ³Isaan keessaa kaan yoo hin amanamne ta'an immoo attam ta'a ree? Amanamuu dhabuun isaanii immoo amanamummaa Waaqayyoo oolchaa ree*? ⁴Kun raawwatee ta'uu hin danda'u; namni eenyu illee sobaa yoo ta'e iyyuu akkuma caaffanni qulqullaa'aan, "Ati dubbii kee hundumaan dhugaa akka argatuutti, yeroo si hadheessanittis akka irra aantutti" jedhu, Waaqayyoo dhuga-qabeessa*. ⁵Garuu jal'inni keenya qajeelina Waaqayyoo mul'isuudhaaf hojijeta yoo ta'e, nuyi maal jenna ree? Waaqayyoo yeroo nutti dheekkamu jal'ina hin hojjetuu ree? Kanas akka yaada namaattan dubbadha*. ⁶Kun raawwatee ta'uu hin danda'u! Silaa immoo Waaqayyoo attamitti biyya lafaatti farada ree*? ⁷Garuu soba kootiin dhugaan Waaqayyoo caalaa mul'atee, ulfina kennisiisaaf yoo ta'e, maaliif ammuma iyyuu akka cubbamaatti yakki anatti muramaa jira ree? ⁸Yoos immoo gaariin akka dhuufuuf hamaa in hojjenna hin jennuu ree? Kaan akkas jechuu isaa ti jedhanii maqaa koo balleessaniiru, isaan akkasiitti yakka muruun garuu qajeelaa dha*.

*2 9:4; Kes 4:7-8; Far 147:19-20

*3 9:6; 11:29; 2Xim 2:13

*4 Far 116:11; 51:4; Tit 1:2; Yoh 3:33

*5 9:14

*6 Uma 18:25; Isa 11:3-4

*8 6:1

Namni Qajeelaan Tokko Illee Hin Jiru

⁹Egaa nuyi warri Yihudootaa caalmaa qabna moo ree? Waawuu, karaa tokko illee hin qabnu; anoo kanumaan dura Yihudoonni, Yihudoota warri hin ta'in hundinuus humna cubbuu jala akka jiran mul'iseera*.

¹⁰Caaffanni qulqullaa'aan,

"Namni qajeelaan hin jiru, lakkii, tokko illee hin jiru.

¹¹Namni tokko iyyuu hin hubatu, namni tokko illees

Waaqayyoon hin barbaadu;

¹²namoonni hundinuu karaa

Waaqayyoo irraa goraniiru,

ergaan-takkaa warra dhimma

hin baafne ta'aniiru;

namni gaarii hojjetus tokko

illee hin jiru*.

¹³afaan isaaniitiin gara awwaala banamaatti nama geessu,

arraba isaaniitiin in

gowwoomsu;

hadhaan mar'ataa hidhii isaanii

jala jira*.

¹⁴Afaan isaanii abaarsaa fi dubbii hadhaa'aadhaan guutuu

dha*.

¹⁵miilli isaanii dhiiga dhangalaasuutti ariifataa

dha,

¹⁶karaa isaan irra darban irra

diiguu fi gadadchuutu jira;

¹⁷isaan karaa nagaa immoo hin beekan*.

¹⁸Waaqayyoon sodaachuun yaada isaanii keessa hin jiru** jedha.

*9 1:18—2:24; Gal 3:22

*10-12 Far 14:1-3; 53:1-3

*13 Far 5:9; 140:3

*14 Far 10:7

*15-17 Isa 59:7-8; Fak 1:16

*18 Far 36:1

¹⁹Ammas seerri waanuma jedhu, warra seera jala jiranitti akka dubbatu nuyi in beekna; kanas nama hundumaa afaan qabachiisuudhaaf, guutummaa biyya lafaas firdii Waaqayyoo jala galchuudhaaf in dubbata. ²⁰Egaa nama kan ta'e tokko illee wanta seerri nama irraa barbaadu gochuudhaan Waaqayyoo duratti qajeelaa hin ta'u. Seerri cubbuun maal akka ta'e nama hubachiisa*.

*20 7:7; Far 143:2; Gal 2:16

Akka Itti Waaqayyo Qajeelaa Nama Godhu

21 Amma garuu karaa seerichaa utuu hin ta'in, karaan namni ittiin qajeelaa ta'u Waaqayyo biraa mul'a-teera; seerrii fi raajonni karaa kanaaf dhugaa ba'aniiru*. 22 Namni Yesus Kristositti amanuudhaan fuula Waaqayyoo duratti qajeelaa in ta'a; kana irrattis warra amanan hundumaaf garaagarummaan hin jiru*. 23 Hundinuu yakkaniiru, ulfinni Waaqayyoo isaanitti hir'ateera*. 24 Isaanumti immoo ayyaana Waaqayyoo isa karaa furii Yesus Kristos tola isaaniif kennameen, qajeelota in ta'u*. 25 Inni dhiiga isaa dhangalaasee du'uudhaan warra isatti amananiif mi'a araaraa haa ta'uuf, Waaqayyo isa dhaabe. Waaqayyo ofii isaa qajeelaa akka ta'e mul'isuudhaaf kana godhe; obsa isaatiinis cubbuu namoonni kanaan dura hojjetan irra darbeeraaf*. 26 Bara sanaattis Waaqayyo qajeelummaa isaa argisiisuuf inni ofii isaa qajeelaa ta'uu isaa, nama Yesusitti amanus qajeelaa gochuu isaa mul'iseera.

*21 1:17; HoE 10:43

*22 Gal 2:16; Filp 3:9

*23 3:9; 1Yoh 1:8

*24 5:1; Efe 2:8-9; Tit 3:7

*25 Lew 16:5-15; Efe 1:7

27 Egaa maaliin of jajna ree? Waan ittiin of jajnu tokko illee hin qabnu, seera maaliitiin dhabna? Akka abboommii seeraatti hojjechuudhaanii? Waawuu, akka abboommii amantiitti jiraachuudhaan malee*. 28 Namni waan seerri abboomu hojjechuudhaan utuu hin ta'in, amanuu duwwaadhaan Waaqayyo duratti qajeelaa akka ta'u cimsinee in barsiifna*. 29 Waaqayyo keenya Waaqayyo warra Yihudootaa duwwaa dha moo? Saba warra Yihudoota hin ta'iniifis Waaqayyo mitii ree? Eyyee, inni saba warra Yihudoota hin ta'iniif immoo Waaqayyoo dha*. 30 Waaqayyo tokkicha erga ta'ee, saba Yihudootaa warra dhagna qabatan amantii isaaniitiin, saba warra kaan warra dhagna hin qabatanis amantiidhuma isaaniitiin qajeelota isaan in godhata*. 31 Egaa immoo amantii kanaan seera diigna jechuu dha moo ree? Waawuu, kun

raawwatee ta'uu hin danda'u, seera jabeessinee dhaabna malee*.

*27 8:2; 1Qor 1:31

*28 Gal 2:16; HoE 13:38-39

*29 10:12

*30 4:11-12; Gal 3:20; Kes 6:4

*31 8:4; Mat 5:17

Abrahaam Amantiidhaan Qajeelaa Ta'uu Isaa

4 ¹ Kana irratti waa'ee Abrahaam abbaa sanyii keenyaa maal jenna ree? Waaqayyo duratti maal argate? ² Abrahaam waan hojjeteen qajeelummaan utuu lakkaa'ameeraaf ta'ee, Waaqayyo duratti yoo ta'uu dhaabaate iyyuu, kan ittiin of jaju in qabaata ture*. ³ Caaffanni qulqullaa'aan waa'ee isaa maal jedha ree? "Abrahaam Waaqayyoon amanate, kunis qajeelummaatti lakkaa'ameef" jedha*. ⁴ Beenyaan nama hojjeteef baafamu, gatii argachuun isaaf ta'utti lakkaa'ama malee, akka kennaa tolaatti hin lakkaa'amu*. ⁵ Namni akka seerri abboomutti hin hojjenne garuu Waaqayyoo irraa fagaachuu isaa beekke, Waaqayyo isa qajeelaa nama godhutti yoo amane, amantiin isaa qajeelummaatti in lakkaa'amaaf*. ⁶ Namni, waan seerichi abboomu utuma hin hojjetin Waaqayyo qajeelummaa lakkaa'uuf, gammachuu akka qabu Daawit dubba-teera.

*7 "Warri seera irra daddarbuun isaanii dhiifameef, warri cubbuun isaanii akka deebi'ee

hin arganne godhameef haa gammadan!

8 Namni gooftichi cubbuu isaa itti hin lakkoofne haa gammadu" jedhe.

*2 1Qor 1:31

*3 Ura 15:6; Gal 3:6

*4 11:6

*5 3:26,28

*7-8 Far 32:1

9 Nuyi, "Amantiin Abrahaamiif qajeelummaatti lakkaa'ame" jenna'o, gammachuun kun warruma dhagna qabatan duwwaadhaaf moo yookiis warra dhagna hin qabataniifis in ta'a ree? ¹⁰ Egaa attamitti lakkaa'ameef? Erga inni dhagna qabatee moo yookiis utuu inni dhagna hin qabatin? Erga inni dhagna qabate miti, utuu inni

dhagna hin qabatin lakkaa'ameef malee. ¹¹ Abrahaam utuu dhagna hin qabatin qajeelummaa amantiidhaan argatee, isa argate kana cimsuudhaafis dhagna-qabaa akka milikkitaatti fudhate; karaa kanaan warra utuu dhagna hin qabatin amanan hundumaaf qajeelummaan akka lakkaa'amuuf abbaa isaanii ta'e*. ¹² Inni warra dhagna qabataniifis abbaa ta'eera, isaan keessaa iyyuu warra dhagna-qabaa duwwaa utuu hin ta'in, warra karaa amantii isa abbaan keenya Abrahaam utuu dhagna hin qabatin irra adeeme irra faana isaa duukaa bu'aniifis abbaa ta'e*.

*11 Ura 17:10-11

*12 Mat 3:9; Yoh 8:39

Abdiin Waaqayyoo Karaa Amantii Raawwatamuu Isaa

13 Abdiin Abrahaamiif yookiis sanyii isaatiif kenname, biyya lafaa akka dhaaluuf, kunis Abrahaam seera waan egeef utuu hin ta'in, amantiidhaan qajeelummaa waan argateef isaaf kenname*. ¹⁴ Namoonni seericha eeguudhaan dhaala sana argatu yoo ta'e, amantiin namaa akkasumaan, abdiin Waaqayyoo gatii malee in hafa*. ¹⁵ Seerri dheekkamsa Waaqayyoo in fida, garuu utuu seerri hin jiru ta'ee, seera irra darbuunis hin jiru ture*.

*13 Ura 17:4-6; 22:17-18; Gal 3:29

*14 Gal 3:18

*15 3:20; 5:13; 7:8,10

16 Kanaafis abdichi ayyaana irraa kan ka'e, sanyii isaa hundumaafis kan eegamu, akka ta'uuf amantii irra in dhaabate. Kunis warra seera eeguutti qabaman duwwaaf utuu hin ta'in, warra akka Abrahaam amananiifis immoo in eegama; Abrahaam abbaa hunduma keenyaa ti*. ¹⁷ Abdiin kun fuula Waaqayyoo dura jira, "Saba baay'eedhaaf abbaa akka taatuuf ani si dhaabeera" kan jedhu caafameera. Abrahaam immoo Waaqayyoo isa warra du'an jiraachisu, isa waan hin jirre akka jiraatu godhutti amaneera*. ¹⁸ Abrahaam akka yaada namaatti waan hin abdachiifne in abdate; "Sanyiin kee akkas in baay'ata" akkuma jedhames abbaa saba baay'ee akka ta'u amane*. ¹⁹ Inni, dhagni isaa akka du'e, nama waggaa dhibba guutuu

ga'e ta'uu isaa, gadameessi Saaraas akka waan du'ee ta'uu isaa heduu-dhaan amantiitti hin laafne*. ²⁰ Inni amantiitti jabaatee Waaqayyooof hooqubaa dhi'eesse malee, amanuu dhaabuudhaan abdii Waaqayyoo kenneef hin dhabne. ²¹ Waaqayyoo waan abdachiise gochuudhaaf immoo akka danda'u inni guutummaatti hubateera*. ²² Kanaaf iyyuu, "Qajeelummaatti isaaf lakkaa'ame" jedhame*. ²³ Inni "Isaaf lakkaa'ame" jedhu Abrahaam duwwaadhaaf caafame miti. ²⁴ Nuyi warra amannuufis immoo akka lakkaa'amu caafameera, nuyis Waaqayyoo isa gooftaa keenya Yesusin warra du'an keessaa kaasetti in amanna*. ²⁵ Yesus irra-daddarbaa keenyaaf du'atti dabarfamee kenname; qajeelummaa akka argannuufis du'aa kaafame*.

*16 Gal 3:7,9,14

*17 Ura 17:5; Ibr 11:19

*18 Ura 15:5; Ibr 11:1

*19 Ura 17:17; Ibr 11:11

*21 Ura 18:14; Luq 1:37

*22 Ura 15:6

*24 15:4; 1Phe 1:21

*25 8:32,34; Isa 53:4-5

Waaqayyo Duratti Qajeelaa Ta'uu

5 ¹ Kanaafis amantiidhaan qajeelota erga taanee, gooftaa keenya Yesus Kristosiin Waaqayyoo biratti naggaa qabna*. ² Karaa isaa ayyaana isa amma miyeeffachaa jirru kanatti amantiidhaan dhi'aachuu arganneerra; abdii ulfina Waaqayyoo irraa hirmaachuu keenyaas gammachuudhaan in himanna*. ³ Kana malees immoo gidiraan obsa akka fidu beeknee, gidiraan nutti dhufes gammachuudhaan in himanna*. ⁴ Obsi qoramanii ba'uu fida, qoramanii ba'uunis abdii fida. ⁵ Sababii Waaqayyoo, jaalala isaa isa karaa hafuura qulqulluu nuuf kenname, garaa keenya keessatti dhangalaaseef, abdiin immoo nu hin yeellasisu*.

*1 3:24,28; Efe 2:14-15; Isa 32:17-18

*2 Efe 3:12

*3 Yaq 1:2-3; 1Phe 1:5-7

*5 Far 22:5; 25:20; Ibr 6:18-19; 1Yoh 4:13

6 Nuyi amma illee of-dadhaboo taanee utuu jirruu yeroon yaadame yommuu ga'etti Kristos warra akkuma keenya Waaqayyoo irraa fagaatan hundumaaf du'e*. ⁷ Tarii namni, nama

waan gaarii godhe tokkoof du'uuf fedha qaba ta'a malee, nama qajeeladhaaf waan du'uuf hin fakkaatu. ⁸Waaqayyoo garuu, utuma nuyi cubbamoota taanee jirruu, Kristos nuuf du'uu isaatiin hammam akka nu jaallate in argisiisa*. ⁹Kanaafis amma nuyi dhiiga isaa isa dhangala'een qajeelota erga taanee, hammam caalaatti isumaan immoo dheekkamsa Waaqayyoo jalaa ooluuf jirra*. ¹⁰Nuyi amma illee diinota utuma jirruu, du'a ilma isaatiin Waaqayyotti erga araaramnee, amma immoo nuyi warri isatti araaramne jireenya isaatiin hammam caalaatti ooluuf jirra*. ¹¹Kana duwwaas miti, gooftaa keenya Yesus Kristosiin amma araara waan qabnuufis Waaqayyotti gammaduun keenya in himanna malee*.

*6 1Phe 3:18

*8 8:32; Yoh 3:16; 1Yoh 4:9-10

*9 1:18; 2:5,8; Efe 1:7; Qol 1:14

*10 4:25; 8:7-8; 2Qor 5:18-19; Qol 1:21-22

*11 1Qor 1:30-31

Duuni Addaamiin, Jireenyi Immoo Yesusiin Dhufuu Isaa

12 Egaa cubbuun karaa nama tokkoo biyya lafaatti akkuma dhufe, duunis karaa cubbuu akka gale, akkasumas namoonni hundinuu waan yakkaniif duuni sanyii namaa hundumaa wal ga'e*. ¹³Utuma seerichi hin kennamin iyyuu cubbuun biyya lafaa irra jira ture; garuu lafa seerri hin jirretti cubbuun hin lakkaa'amu*. ¹⁴Haa ta'u iyyuu malee, bara Addaamii jalqabee hamma bara Museetti duuni nama hundumaa irratti mo'e; warruma sanyii irra-daddarbaa Addaamiin hin yakkin irratti iyyuu mo'eeda, Addaam fakkeenya isa dhufuuf jedhu sanaa ture'o.

*12 6:23; 1Qor 15:21; Uma 2:17; 3:6,19

*13 4:15

15 Kennaan Waaqayyoo tola kenne garuu, akka irra-daddarbaa sanaa miti. Namoonni baay'een irra-daddarbaa nama tokkootiin yoo du'an, ayyaanni Waaqayyoo fi kennaan tolaa inni isa irra guddaa caalu immoo Yesus Kristos namicha tokkicha sanaan, namoota baay'eedhaaf in argama*. ¹⁶Wanti kennaan Waaqayyoo inni tolaa kun fidu immoo, akka isa cubbuun nama tokkoo fide sana miti. Irra-daddarbaa namicha tokkicha sanaa irratti firdiitu

kenname; firdichis yakka kan muru ture. Irra-daddarbaa namoota baay'ee irratti garuu kennaan tolaatu kenname; kennaan sunis qajeelummaatti kan geessu ture. ¹⁷Irra-daddarbaa nama tokkootiin, sababii nama tokkicha sanaaf duuni erga mo'ee, warri qajeelummaa argatan immoo Yesus Kristos namicha tokkicha sanaan hammam guddaa caalchisanii jireenyatti haa mo'an ree! Isaan ayyaana Waaqayyoo fi kennaan tolaa hamma isaan irraa hafutti fudhataniiiru.

*15 1Qor 15:21-22; Yoh 1:16-17

18 Egaa akkuma irra daddarbuun nama tokkicha nama hundumaatti yakka mursiise, qajeelchuun nama tokkoo immoo namoota hundumaa firdii qajeelummaa argachiisee in jiraachisa. ¹⁹Akkuma abboomamuu diduu nama tokkootiin baay'een cubbamoota ta'an, abboomamuu nama tokkootiin immoo akkasuma baay'een qajeelota in ta'u*. ²⁰Seerri irra-daddarbaa baay'isuu-dhaaf gidduu lixe; garuu lafa irra daddarbuun baay'attetti immoo ayyaanni Waaqayyoo caalaatti baay'ate*. ²¹Akkuma cubbuun karaa du'aa mo'e, ayyaannis karaa gooftaa keenya Yesus Kristos gara jireenya bara baraatti nu geessuudhaaf qajeelummaadhaan in mo'a*.

*19 3:24-26; 1Ibr 5:8-9; Isa 53:11

*20 7:8,13; Gal 3:19

*21 6:23

Cubbuu Jalaa Du'anii Kristos Jala Jiraachuu

6 ¹Egaa ayyaanni Waaqayyoo akka baay'atuuf, cubbuutti jiraachuu itti fufna jennaa ree? ²Kun matumaa hin ta'u! Nuyi warri cubbuu jalaa duune, si'achi attamitti cubbuu jala jiraanna ree? ³Yookiis nuyi warri Kristos Yesusitti dabalamuudhaaf cuuphamne, du'a isaattis isatti dabalamuudhaaf akka cuuphamne in wallaaltanii ree? ⁴Nuyi cuuphamuudhaan du'a isaatti isatti dabalamnee isaa wajjin awwaalamneerra; Kristos humna abbaa isa ulfina-qabeessaan warra du'an keessaa akkuma kaafame, nus immoo jireenya haaraatti in jiraanna*.

*1 3:5-8; 5:20

*2 1Phe 2:24; 4:1

*3 Gal 3:27

*4 Qol 2:12-13; 1Phe 3:21

5 Akkuma du'a isaatti isaa wajjin walitti dabalamne, akkasuma du'aa ka'uu isaattis isaa wajjin walitti in dabalamna*. ⁶Nuyi deebinee garba cubbuu akka hin taanetti, dhagnii inni cubbuu hojjetu akka badduu baafamuuf, namummaan keenya inni moofaan isaa wajjin akka fannifame in beekna*. ⁷Namni yommuu du'u humna cubbuu jalaa in ba'a. ⁸Kristosii wajjin yoo duune garuu, Kristosii wajjin immoo akka jiraannu in amanna*. ⁹Kristos warra du'an keessaa erga kaafamee, deebi'ee akka hin duune, duunis si'achi isa irratti gooftummaa akka hin qabne beekna*. ¹⁰Du'a al tokko, waa'ee cubbuuttiif du'e; jireenya isaa ammaa immoo Waaqayyoo in jiraata*. ¹¹Isinis immoo akkasuma akka warra cubbuu jalaa du'anii, karaa Kristos Yesus Waaqayyoo jiraataniitti of lakkaa'aa*!

*5 2Xim 2:11; Filp 3:10-11

*6 Gal 5:24; 6:14; Efe 4:22-23

*8 Gal 2:20; Qol 3:3-4

*9 Far 16:10; HoE 2:27; 1Ibr 7:24; Mul 1:18

*10 1Ibr 9:26-28; 1Phe 3:18

*11 6:4,8; 2Qor 5:15; 1Phe 2:24

12 Ammas cubbuun warra kajeellaa fooniitiif abboomaman akka isin hin godhannetti, dhagna keessan isa du'e keessatti isa hin moosisinaa*. ¹³Bu'aa dhagna keessanii mi'a jal'inaa gochuudhaaf harka cubbuu jala hin galchinaa! Garuu akka namoota warra du'a keessaa ba'anii jireenya argataniitti, Waaqayyoo of kennitanii, bu'aa dhagna keessanii mi'a qajeelinaa gochuudhaaf harka Waaqayyoo jala galchaa*. ¹⁴Isin seera jalatti qabamtanii kan jiraattan utuu hin ta'in, ayyaana Waaqayyoo jala waan jiraattaniif cubbuun isin irratti gooftummaa hin qabaatu*.

*12 Uma 4:7

*13 6:19; 12:1

*14 7:4-6; Gal 5:18; 1Xim 1:9; 1Yoh 3:6

Garbummaa Cubbuu Jalaa Ba'anii Hojjetaa Qajeelinaa Ta'uu

15 Egaa seera jalatti qabamnee kan jiraannu utuu hin ta'in, ayyaana Waaqayyoo jala waan jiraannuuf, cubbuu hojjennuu ree? Kun matumaa hin ta'u*. ¹⁶Waan tokko of irratti gooftaa godhattanii harka isaa jala yoo of galchitan, isin wanta sanaaf garba akka taatan hin beektanii ree? Cubbuudhaaf

yoo abboomamtan du'aaf, Waaqayyoo yoo abboomamtan qajeelinaaf in bulutu*. ¹⁷Waaqayyoon galanni haa ga'u! Isin dur garboota cubbuu turtan; amma garuu qomoo barsiisa keenyaa isa itti kennamtan sanaaf garaa guutuudhaan abboomamtaniittu. ¹⁸Cubbuu jalaa luba baatanii, hojjetaa qajeelinaa taataniittu*. ¹⁹Sababii dadhabii keessaniif jedhee akka isin hubattaniitti nan dubbadha; akkuma kanaan dura gad-dhiisatti jiraachuudhaaf bu'aa dhagna keessanii xuraa'ummaadhaa fi seera malee jiraachuu jala galchitanitti, amma immoo qulqullummaatti jiraachuudhaaf bu'aa dhagna keessanii qajeelina jala galchaa*!

*15 5:17,21; 6:1-2

*16 Yoh 8:34; 2Phe 2:19

*18 Yoh 8:32; 1Phe 2:16

*19 1:24; 6:13; 12:1

20 Garboota cubbuu yommuu turtan, qajeelinaa fi abboomamuu jalaa baatanii turtan. ²¹Egaa hojiin keessan yeroo sanaa ija attamii kenne ree? Ija inni kenne sanatti amma yeella'aa jirtu; wanti kun hundinuu gara dhumaatti du'atti in geessa*. ²²Amma garuu cubbuu jalaa luba baatanii hojjetoota Waaqayyoo taataniittu, kunis qulqullummaadhaaf ija isiniif godhata, gara dhumaattis jireenya bara baraatti in geessa*. ²³Beenyaan nama cubbuu hojjetuu du'a; kennaan Waaqayyoo inni Kristos Yesus gooftaa keenyaa wajjin tola kennamu garuu jireenya bara baraa ti*.

*21 7:5; 8:6,13

*22 Gal 6:8; 1Phe 1:9

*23 5:12; 1Yoh 5:11; Yaq 1:15

Seeraa Fi Fakkeenya Gaa'elaa

7 ¹Obboloota ko, isin warra seera hubattaniitti nan dubbadha; seerri hamma namni jiru duwwaatti nama irratti gooftummaa akka qabu hin beektanii ree? ²Fakkeenyaaf dubartiin heerumte tokko, hamma abbaan manaa ishee jiraatu duwwaatti seeraan itti hidhamtee jirti; abbaan manaa ishee yoo du'e garuu, seera isa ittiin abbaa manaa ishee sanatti hidhamteetti hii-kamuu ishee ti*. ³Egaa akka kanatti abbaan manaa ishee utuma jiruu, dhiira kan biraa wajjin yoo jiraatte, ejjittuu jedhamti; abbaan manaa ishee yoo du'e

garuu, isheen seera sanattii hiikam-teetti, dhiira kan biraatti yoo heerumtes ejjituu hin jedhamtu. ⁴Akkasuma yaa obboloota ko, isin warri bu'aa dhagna Kristos taatanii duutanii turtan, seera isa itti hidhamtanii turtan jalaa hiikam-taniittu! Kanaaf kan nama biraa, kana jechuunis kan isa warra du'an keessaa kaafamee in taatu; kanaa hundumti keenya Waaqayyoofta ija in godhanna*. ⁵Yeroo nuyi akka fooniitti jiraachaa turre, hawwiin foonii inni cubbuudhaan guute seerichaan toosifamee, du'aaf akka nuyi ija godhannuuf, bu'aa dhagna keenyaa keessaa in hojjeta ture*. ⁶Amma garuu seera isa moofaa dur caafame jalatti utuu hin ta'in, jireenya hafuura isa haaraa keessatti akka hojjennuuf, isa nu hidhate jalaa duunee, seerattiis hiikamneerra*.

*2 1Qor 7:39

*4 6:4; 2Qor 11:2; Gal 2:19; Qol 2:14

*5 6:21

*6 6:4; 8:1-2; 2Qor 3:6

Hojii Seeraa

⁷Egaa immoo seerri ofuma isaatii cubbuu dha jenna moo ree? Kun matumaa hin ta'u. Haa ta'u iyyuu malee, utuu seerri hin jiraannee ani cubbuu hin beekun ture; utuu seerri "Waan namaa hin hawwin!" hin jenne ta'ee, hawwuun maal akka ta'e hin beekun ture*. ⁸Cubbuun garuu abboommii-dhaan qabatee hawwii garaa garaa hundumaa na keessaa dammaqse; iddoo seerri hin jirretti cubbuun du'aa dha*. ⁹Iddoo seerri hin jirretti ani jiraachaan ture; yeroo abboommichi dhufetti garuu cubbuun in bayyaannate. ¹⁰Yommus ani nan du'e; abboommichi inni gara jireenyaatti geessuuf ture, gara du'aatti kan na geessu ta'uun isaa argameera*. ¹¹Cubbuun abboommichaan qabatee, na gowwoomsee, isumaanis na ajjeese*.

*7 3:20; Bau 20:17; Kes 5:21

*8 5:13; 1Qor 15:36

*10 Lew 18:5; Kes 5:33; Yaq 1:15

*11 Uma 3:13; Ibr 3:13

¹²Seerichi illee ofii isaatii qulqulluu dha, abboommichis qulqulluu, qajeelaa, gaarii dhas*. ¹³Yoos immoo waanuma gaariitu du'a anatti fide jechuudhaa ree? Kun matumaa hin ta'u. Cubbuun cubbuu ta'uun isaa, karaa

abboommichaas cubbuun hamma malee hammaachuun isaa akka mul'atuuf, cubbuudhumti waan gaariidhaan du'a anatti fide*.

*12 1Xim 1:8

*13 5:20

Wal'aansoo Nama Keessaa

¹⁴Seerichi seera hafuura akka ta'ee, nuyi in beekna, ani garuu nama foonii isa cubbuu jalatti gurguramee dha*. ¹⁵Waan dhimma baasu hin hubadhu; ani waanan jibbuun hojjedha malee, waanan jaalladhu hin hojjedhu*. ¹⁶Waan hin jaallanne nan hojjedha ergan ta'ee immoo, seerri gaarii ta'u isaati walii galuu koo ti. ¹⁷Waan hin jaallanne kanas cubbuu isa na keessa jirutu na hojjechiisa malee, anatu hojjeta miti. ¹⁸Waan gaariin tokko illee, ana keessa yookiis namummaa koo isa foonii keessa akka hin jirre ani beeka; ani waan gaarii gochuu utuman jaalladhuu hojjechuu hin danda'u*. ¹⁹Waan gaarii isa ani jaalladhu hin godhu; waan hamaa isa ani hin jaallanne garuu nan hojjedha. ²⁰Ammas waanan hin jaallanne yoon godhe, egaa si'achi cubbuu isa na keessa jirutu na hojjechiisa malee, anatu isa hojjeta miti.

*14 7:18; Far 51:7; Yoh 3:6

*15 7:19; Gal 5:17

*18 Uma 6:5; 8:21; Filp 2:13

²¹Egaa ana isa waan gaarii hojjechuu barbaadutti, wanti hamaan harka kootii dhufuun seera ta'u isaa nan arga. ²²Ani keessa namummaa kootiitiin seera Waaqayyooti nan gammada. ²³Seerri kan biraa immoo bu'aa dhagna kootii keessaa, seera isa yaadni garaa kootii fudhatee wajjin utuu wal loluu nan arga; lola kanaanis seera cubbuu, isa bu'aa dhagna kootii keessatti hojjedha jiru jalatti na boojisiisa*. ²⁴Ana nama gadadamaa, foon isa gara du'aatti na geessu kana harkaa cenyutu na baasa*? ²⁵Karaa gooftaa keenyaa Yesu Kristos Waaqayyoofta galanni haa ta'u! Akka kanatti, ani ofii kootii yaada garaa kootiin, seera Waaqayyoofta nan hojjedha; namummaa koo isa fooniitiin garuu seera cubbuuf nan hojjedha*.

*23 Gal 5:17; 1Phe 2:11

*24 8:10

*25 8:2; 1Qor 15:57

Hafuura Waaqayyoon Geggeeffamanii Jiraachuu

⁸Egaa amma firdiin, warra Kristos Yesusitti qabamanii jiraatanitti faradamu tokko illee hin jiru*. ²Seerri hafuura inni karaa Kristos Yesus nama jiraachisu, seera cubbuu isa du'atti nama geessu jalaa si baaseera*. ³Sababii nama fooniitiif seerri hojii isaa hojjechuu dadhabe. Waaqayyo ilma ofii isaatii ergee, cubbuu isa nama foonii keessaatti farade; ilmi isaa kun foon isa namni cubbamaan uffatu uffatee, cubbuu balleessuu dhufe*. ⁴Wanti seerri nu irraa gaafatu, nuyi warra akka fedha hafuuraatti malee fedha fooniitti hin jiraanne keessatti, akka raawwatu muuf Waaqayyo kana godhe*.

*1 8:33-34; 10:4; Yoh 5:24

*2 Yoh 8:36; 2Qor 3:17

*3 Yoh 1:14; HoE 10:38; 15:10; 2Qor 5:21; Gal 4:4; Filp 2:7-8; Ibr 2:17

*4 Gal 5:16,25

⁵Warri akka fedha fooniitti jiraatan, yaada isaanii fedha foonii irra dhaabaniiru; warri akka fedha hafuuraatti jiraatan garuu, waa'ee waan hafuura in yaadu*. ⁶Yaada ofii fedha fooniitti hidhuun du'a in fida; yaada ofii fedha hafuuraatti hidhuun garuu, jireenya, nagaas in fida*. ⁷Akka fedha fooniitti yaaduun diina Waaqayyoo nama godha; yaadni akkasii seera Waaqayyootii wajjin walii hin galu; isaaf abboommamuus hin danda'u*. ⁸Warri akka fedha fooniitti jiraatan, Waaqayyoon garaa ciibsuu hin danda'an.

*5 1Qor 2:14

*6 6:21-22; Gal 6:8

*7 Yaq 4:4

⁹Hafuurri Waaqayyoo yoo dhuguma isin keessa jiraate, isin akka fedha hafuuraatti malee akka fedha fooniitti hin jiraattan; namni hafuura Kristos of keessaa hin qabne, kan Kristos miti*. ¹⁰Kristos isin keessa erga jiraatee, dhagni keessan sababii cubbutiif du'aa yoo ta'ee iyyuu, sababii qajeelummaa argattaniif hafuurichi jireenya isiniif ta'a*. ¹¹Hafuurri Waaqayyoo inni Yesusin warra du'an keessaa kaase, isin keessa yoo jiraate, inni Kristosin warra du'an keessaa kaase, hafuura isaa isa isin keessa

jiraatuun, dhagna keessan isa du'us immoo in jiraachisa*.

*9 1Qor 3:16

*10 Gal 2:20; Filp 1:21; Qol 2:13

*11 6:4; 2Qor 4:14; 1Qor 3:16

¹²Egaa obboloota ko, wanti raawwachuun nuuf ta'u yoo jiraate iyyuu, akka fedha fooniitti jiraachuudhaaf isaaf abboommamuun nuuf hin ta'u*. ¹³Akka fedha fooniitti yoo jiraattan du'uun keessan beekamaa dha, hafuuraan hojii namummaa keessan isa foonii yoo ajjeftan garuu in jiraattu*. ¹⁴Warri hafuura Waaqayyootiin geggeeffaman hundinuu ilmaan Waaqayyoo ti. ¹⁵Hafuurichi isin fudhattan hafuura ilmuumaatti guddifamuu ti malee, hafuura garbummaa isa sodaa jalatti isin deebisu miti; hafuura kanaanis, "Abbaa keenya" jennee Waaqayyoon in waammanna*. ¹⁶Hafuurri Waaqayyoo hafuura keenyaa wajjin walii galee, ijoollee Waaqayyoo ta'u keenya dhugaa in ba'a*. ¹⁷Nuyi ijoollee Waaqayyoo erga taanee, warra waan hundumaa argatan in taana; waan kana hundumaas Waaqayyoo biraa in arganna; Kristosii wajjin erga dhiphannee, isaa wajjin immoo ulfaachuudhaaf, waan Kristos argatu hundumaas isaa wajjin in arganna*. ¹²6:7,18

*13 8:6; Gal 6:8; Efe 4:22-24

*15 Gal 4:1-6; 2Xim 1:7; Mar 14:36

*16 2Qor 1:22

*17 Gal 4:7; 2Xim 2:11-12;

Yoh 17:22,24; Mul 21:7

Ulfina Isa Mul'achuuf Jiru

¹⁸Dhiphinni keenya si'anaa kun, ulfina isa nuuf mul'ifamuuf jiruu wajjin wal bukkee qabamee, ilaalamuu akka hin dandeenyetti nan lakkaa*a*. ¹⁹Uumamni hundinuu, mul'achuu ijoollee Waaqayyoo dhimmanii eegachaa jiru*. ²⁰Uumamni wanta gatii hin qabne akka ta'u godhameera; inni illee ofii isaatii akkas ta'u hin barbaanne, garuu isuma isa uumetu akkas isa godhe; haa ta'u iyyuu malee, akkas ta'uun isaa abdi qaba ture*. ²¹Uumamni, garbummaa isa wanta badu isa godhe jalaa luba in ba'a; luba ba'uun kun gara birmadummaa ijoollee Waaqayyoo warra ulfina qabaniitti in geessa*. ²²Uumamni hundinuu hamma ammaatti akka aaduu fi akka ciniinsifatu

in beekna. ²³ Uumama sana duwwaatu aada miti; nuyi warri hafuura Waaqayyoo akka qabdiitti arganne iyyuu, il-mummaatti guddifamuu, namummaan keenya inni fooniis furamuu, dhimminee yeroo eeggannutti garaa keenyatti in aadna*. ²⁴ Nuyi abdiidhaan fayyine; abdiin ijaan argamu immoo abdi miti; namni waan ijaan argu in abdattaa ree*? ²⁵ Wanta ijaan hin argine yoo abdanne garuu, obsaan in eegganna*.

*18 2Qor 4:17

*19 Qol 3:4

*20 Lew 3:17-19

*21 2Phe 3:13; 1Yoh 3:2

*23 2Qor 5:2-4; Gal 5:5

*24 2Qor 1:22; 5:7; 1Ibr 11:1

*25 2Qor 4:18; Gal 5:5

²⁶ Hafuurichis immoo akkuma kanatti dadhabbi keenyatti nu gargaara; nuyi maal kadhachuun akka nuuf barbaachisu akka ta'utti hin beeknu; hafuurichi garuu aaduu isaatiin karaa namni dubbiidhaan mul'isuu hin dandeenyeen nuuf in kadhata. ²⁷ Hafuurichi akka jaalala Waaqayyooitti warra isaaf qullullaa'aniif in kadhata; Waaqayyoo inni garaa namaa fonqolchu immoo, yaada hafuurichaa in beeka*.

*27 1Qor 2:10; 4:5

²⁸ Waaqayyoo warra isa jaallatan karaa hundumaa gargaaree gara gaariitti isaan in geessa; isaanoo warra akka akeeka isaatiitti waamamanii dha*. ²⁹ Warra duraan dursee beekumsa isaatiin fo'ate, fakkaattii ilma isaa isa obboloota baay'eedhaaf angafa ta'uuf jiru, akka ta'aniif yaadaan isaan qabe*. ³⁰ Warra yaadaan isaan qabe immoo waameera; warra waame immoo qajeelota isaan godheera; warra qajeelota godhe immoo ulfinaan isaan ga'eera*.

*28 Efe 1:11

*29 Filp 3:21; Qol 1:15,18; 1Ibr 1:6

*30 2Tas 2:13-14; 2Xim 1:9

Waaqayyoo Kristosiin Guddaa Nu Jaallachuu Isaa

³¹ Kana hundumaa irratti Waaqayyoo gara keenya erga ta'ee, eenyutu nu irratti ka'a jenna ree*? ³² Waaqayyoo ilma isaa utuu hin mararsiifatin hunduma keenyaaf dabarsee erga kennee, waan hundumaas immoo ilma isaa wajjin tola nuuf hin kennuu ree*? ³³ Warra Waaqayyoo fo'ate eenyutu

hadheessa ree? Erga Waaqayyoo akka waan balleessaa hin qabneetti isaan lakkaa'ee, kan hadheessu hin jiru*. ³⁴ Eenyutu itti farada ree? Erga Kristos Yesus du'ee kaafamee immoo, gara mirga Waaqayyoootti argamee Waaqayyoon nuuf kadhatee, kan itti faradu hin jiru*. ³⁵ Eenyutu jaalala Kristosittii gargar nu baasa? Gidiraan yookiis muddamni, ari'atamuun, beelli yookiis qullaa ta'uun, sodaachifamuun yookiis billaan gargar nu baasuu danda'aa ree?

36 "Sababii keetiif namoonni guyyaa guyyaatti nu keessaa in ajjeefamu, akka hoolota qalamuuf jedhaniitti lakkaa'amnee jirra" kan jedhu caafameera.

*31 Far 118:6

*32 Yoh 3:16; 1Qor 3:21

*33 Isa 50:8; Mul 12:10-11

*34 4:25; 1Ibr 6:20; 7:25; 1Yoh 2:1

*36 Far 44:22; 2Qor 4:11

³⁷ Waan nu irra ga'e hundumaatti garuu, karaa isa nu jaallatee mo'icha guddaa arganna*. ³⁸ Duuni, jireenyi, ergamoonni waaqa irraa, warri bantii waaqaa keessatti aboo qabu jedhamanii sodaataman, wanti amma jiru, wanti dhufuuf jirus hundinuu, wanti humna argisiisuu danda'us, jaalala Waaqayyooottii gargar akka nu hin baafne ani beeka*. ³⁹ Wanti ol ka'ee jiru, wanti gad fagaatee jirus, uumama keessaa wanti biraas, jaalala Waaqayyoo isa karaa gooftaa keenyaa Kristos Yesus nuuf dhufettii, danda'ee gargar nu hin baasu*.

*37 1Yoh 5:4-5

*38 Efe 1:21; 6:12; Qol 2:15; 1Phe 3:22

*39 Yoh 10:28

Waa'ee Saba Waaqayyoofo Fo'amee

⁹ Ani Kristosiin dhugaadhuman dubbadha; ani hin sobu, yaadni garaa koos hafuura qulluudhaan dhugaa anaaf ba'a*. ² Wanti ani dubbadhu, wanti yaadni garaa koo dhugaa anaaf ba'us, gadda guddaa akkan qabu, gaddi kunis utuu gargar hin citin garaa koo kan na dhukkubsu akka ta'ee dha. ³ Isaan in gargaara yoo ta'e, sababii obboloota koo warra foon koo fi dhiiga kootiif jedhee, ofii kootii Kristosittii gargar kutamee

utuun abaaramee iyyuu nan jaalladhan ture*. ⁴ Isaan saba Israa'el; il-mummaan, ulfinni isaa, kakaan yeroo yerootti kakatame, seerri, waaqesuun, abdiin garaa garaas isaaniif kennaman*. ⁵ Abboonni qomoo kan isaanii ti; akka firooma fooniittis Kristos qomoo isaanii keessaa dhalate. Waaqayyoo inni hundumaa gararraa jiru bara baraan haa galateeffamu! Ameen*.

*1 1Xim 2:7

*3 Bau 32:32; 2Qor 12:15

*4 Bau 4:22; 9:4; Kes 7:6; 14:2; Rom 3:2;

Efe 2:12; 1Ibr 9:1

*5 1:3; Mat 1:1-16; Luq 3:23-38;

Yoh 1:1; 1Ibr 1:8-10; 1Xim 3:16

⁶ Kun garuu dubbiiin Waaqayyoo fiixaan ba'uu dadhabe jechuu miti; sanyii Israa'el kan ta'e hundinuu Israa'el dhugaa miti*; ⁷ sanyii Abrahama kan ta'e hundinuu ijoollee Abrahama miti; garuu, "Yisihaqiin sanyiin siif in lakkaa'ama" jedhameera*. ⁸ Kunis, firooma foonii isa ittiin dhalataniin ijoollee Waaqayyoo ta'u miti, warra abdi Waaqayyootiin dhalatetu sanyii dhugaatti lakkaa'ama malee jechuu dha*. ⁹ Abdichi, "Yeroo akkasiitti deebi'ee nan dhufa, Saaraanis ilma godhattee na eegdi" kan jedhu ture*.

*6 Lak 23:19; Rom 2:28

*7 Uma 21:12; Mat 3:9; Yoh 8:39

*8 Gal 3:7; 4:23,28

*9 Uma 18:10,14

¹⁰ Kana duwwaas miti, Ribqaan ilmaan lakkuu nama tokkoof, innis abaabilii keenya Yisihaqiif in ulfoofte*. ¹¹ Ijoolleen sun utuu hin dhalatin, isaan keessaas tokko illee gaarii yookiis hamaa utuu hin godhin, akeeki fo'annaa Waaqayyoo dhaabataa akka ta'uuf*, ¹² akka waamicha isaatiitti malee, akka gochaa namaatti akka hin taane beeksisuudhaaf, "Inni angafni isa quxisuudhaaf in hojjeta" jedhammee haadha isaaniitti himamee ture*. ¹³ Akkuma caafame, "Ani Yaaqoobin nan jaalladhe, Esaawuu garuu nan jibbe" jedhe*.

*10 Uma 25:21

*11 8:28-29; 11:5-6

*12 Uma 25:23

*13 Mil 1:2-3

¹⁴ Egaa karaa Waaqayyoo loogatu jira jenna moo ree? Matumaa kun ta'uu

hin danda'u*. ¹⁵ Inni Museedhaan, "Namuma ani araara gochuufii barbaaduuf araara nan godhaaf, namuma ani garaa laafuufii barbaaduufis garaa nan laafaaf" jedha*. ¹⁶ Kanaafis kun akka araara Waaqayyoootti malee, akka jaalala yookiis dhama'a namaatti miti*. ¹⁷ Caaffanni qullullaa'aaan Far'ooniin, "Ani maqaan koo lafa hundumaa irratti akka labsamutti, humna koo si irratti argisiisuudhaafan ol si kaase" jedha*. ¹⁸ Egaa inni nama barbaaduuf araara in godha, nama barbaadus mata-jabeessa in godha*.

*14 Uma 18:25; Kes 32:4

*15 Bau 33:19

*16 Efe 2:8-9

*17 Bau 9:15-16

*18 11:30-32; Bau 4:21; 7:3; 8:15; 1Phe 2:8

Dheekkamsaa Fi Araara Waaqayyoo

¹⁹ Kana irratti ati, "Yoo immoo Waaqayyoo attamitti balleessaa nama irraa argata ree? Jaalala isaatiinis eenyutu mormuu danda'a ree?" anaan in jetta*. ²⁰ Garuu nama nana! Kana Waaqayyotti deebisuudhaaf, ati eenyu? Wanti harka namaatiin hojjetame tokko isa hojjeteen, "Maaliif akkasitti na hojjette?" in jedhaanii*? ²¹ Namni suphee dha'u tokko, suphee kutaa tokko irraa, qodaa mana taa'uuf qodaa lagootti itti hojjetamu dha'uudhaaf aboo qaba mitii ree*? ²² Waaqayyoo inni dheekkamsa isaa argisiisuu, humna isaas beeksisuu barbaade, warra akka qodaa dheekkamsaa ta'anii badiisaaf qophaa'an kanaaf, baay'ee obsuu danda'eera yoo ta'e immoo maal ta'inna laata ree*? ²³ Akkasumas badhaadhummaa ulfina isaa, namoota akka qodaa araaraa ta'an warra inni duraan dursee ulfinaaf qopheesse irratti, mul'isuudhaaf godheera yoo ta'eo*? ²⁴ Warri qodaatti fakkeeffamnes nuyi; inni warra Yihudoota duwwaa waame utuu hin ta'in, Yihudoota warra hin ta'in keessaas waameera*. ²⁵ Inni macaafa Hose'aa keessatti,

"Warra kan koo hin ta'in, saba koo jedhee, nan waama; biyya hin jaallataminis, 'Jaallatamtuu koo' jedhee nan waama*;

²⁶ iddoodhuma, 'Isin saba koo miti' jedhamee itti himametti,

'Ilmaan Waaqayyoo jiraataa' jedhamanii in waamamu" jedha*.

*19 Iyo 9:12
*20 Isa 29:16; 45:9
*21 Er 18:6; 2Xim 2:20
*22 2:4-5
*23 8:29-30; Efe 1:4-12; HoE 13:48
*24 1:16; 3:29-30
*25 Hos 2:23; 1Phe 2:10
*26 Hos 1:10

27 Isaayaas immoo waa'ee Israa'eliiif, "Lakkoobsi ijoollee Israa'el akka cirracha galaana qarqaraa yoo baay'ate iyyuu, isaan keessaa hambaa isaanii duwwaatu oola, ²⁸ gooftichi dubbii isaa isa sodaachisaa gabaabsee lafa irratti in raawwata" jedhee in labba*. ²⁹ Akkuma Isaayaas duraan dursee dubbates, "Gooftaan maccaa ijoollee utuu nuuf hin hambifne ta'ee, nuyi akka Sodoom taanee, Gomoraas fakkaannee turre" jedhe*.

*27-28 Isa 10:22-23
*29 Isa 1:9

Qajeelummaan Maal Keessaa Akka Argamu

30 Egaa amma maal jennu ree? Saba Waaqayyoo warri hin ta'in, qajeelummaa argachuudhaafis warri hin dhama'in, qajeelummaa argataniiru, qajeelummaan isaanii immoo amantii keessaa in argama*. ³¹ Israa'el warri seera qajeelota isaan godhu argachuudhaaf dhama'an garuu, isa bira hin geenye*. ³² Maaliif isa bira hin geenye? Isaan amantii keessaa utuu hin ta'in akka waan inni hojii keessaa argamuutti waan itti dhama'aniif isa bira hin geenye; isaan "Dhagaa gufannaa" sana irratti gufatan*. ³³ Akkuma caafame,

"Kunoo, ani dhagaa gufannaa kattaa nama kuffisus Xiyoona keessa nan kaa'a, inni isatti amanatu immoo hin yeella'u" jedhe*.

*30 10:20
*31 10:2-3; 11:7-8
*32 1Qor 1:23; 1Phe 2:8; Isa 58:2
*33 Isa 8:14; 28:16; Mat 21:42,44; 1Phe 2:6

Yihudoonni Karaa Malee Qajeelummaa Barbaaduu Isaanii

10 ¹ Obboloota ko! Yihudoonni akka fayyan garaa koo hundumaan nan hawwa, isaaniifis Waaqayyoon nan kadhada*. ² Isaan Waaqayyoo akka hinaafan dhugaa nan ba'aaf; haa ta'u iyyuu malee, Waaqayyoo hinaafuun isaanii akka hubannaa dhugaatti miti*. ³ Qajeelummaa isa Waaqayyoo kennu wallaalanii, qajeelummaa mataa isaanii dhaabbachuu yaalaniiru; qajeelummaa isa Waaqayyoo namaaf kennu jalas of hin galchine*. ⁴ Kristos nama amanu hundumaa gara qajeelummaatti geessuudhaan seericha iddoodhaan in ga'a*.

*1 9:1,3
*2 HoE 22:3
*3 9:31-32
*4 Mat 5:17; HoE 13:39; Gal 3:24-25; Ibr 8:13

Fayyinni Nama Hundumaaf Ta'uu Isaa

5 Museen waa'ee qajeelummaa isa seera keessaa argamuutiif, "Namni wanta seerichi jedhu godhu, ittiin in jiraata" jedhee caafeera*. ⁶ Qajeelummaan amantii keessaa argamu garuu, "Kristosin gad fiduudhaaf, 'Eenyutu gara waaqaatti ol ba'a?' ⁷ Yookiis immoo, Kristosin warra du'an keessaa ol fiduudhaaf, 'Eenyutu qilleetti gad bu'a?' jettee garaa keetti hin yaadin!" jedhe. ⁸ Egaa maal godhi jedha ree? "Dubbichi sitti dhi'oo dha; afaan kee keessa, garaa kee keessas jira" jedha; dubbichis dubbii amantii isa nuyi lallabnuu dha*. ⁹ Yesus gooftaa akka ta'e afaan keettiin yoo beeksifte, Waaqayyoo du'aa akka isa kaase immoo garaa keetti yoo amante fayyina bara baraa in argatta*. ¹⁰ Namni garaa isaatti amanee qajeelaa ta'a, afaan isaatiinis beeksisee in fayya. ¹¹ Caaffanni qulqullaa'aan, "Namni isatti amanu hundinuu hin yeella'u" in jedha*. ¹² Kanattis warra Yihudoonni fi warra Yihudoota hin ta'in gidduu garaagarummaan hin jiru; innoo gooftaa nama hundumaa ti, warra isa waammatan hundumaafis badhaadhummaa isaa irraa in kenna*. ¹³ Caaffanni qulqullaa'aan, "Namni maqaa gooftaa waammatu hundinuu in oola" in jedha*.

*5 Lew 18:5; Gal 3:12
*6-8 Kes 30:12-14
*9 Mat 10:32; 2Qor 4:5
*11 9:33; Isa 28:16
*12 1:16; Gal 3:28; Qol 3:11; HoE 10:34-35
*13 Yoe 2:32

14 Namoonni immoo, nama itti hin amanne attamitti waammatu ree? Attamitti nama waa'ee isaa dhaga'anii hin beeknetti amanu ree? Namni utuu isaanitti hin lallabin, attamitti waa'ee isaa dhaga'u ree? ¹⁵ Namoonni yoo ergaman malee, attamitti lallabu ree? "Warri oduu gaarii fidanii dhufan maal maal nama gammachiisu!" kan jedhu illee caafameera*. ¹⁶ Hundumti isaanii garuu wangeela dhaga'anii hin abbootamne; Isaayaas, "Gooftaa, cenyutu waan nu irraa dhaga'e amane ree?" in jedha*. ¹⁷ Egaa amantiin dhaga'uun irraa in dhufa, wanti dhaga'uun ta'u immoo dubbii Kristosiin in beekama*.

*15 Isa 52:7
*16 Isa 53:1
*17 Yoh 17:20; 1Itas 2:13

18 Amma isaan dhuguma waa'ee kanaa hin dhageenyee ree? jedheen gaafadha. Dhaga'uun isaanii mama hin qabu; caaffanni qulqullaa'aan, "Waan isaan afaan isaaniitiin dubbatan lafa namni jiraatu hundumaa ga'e" in jedha*. ¹⁹ Yookiis Israa'el hin hubannee ree? jedheen gaafadha. Waaqayyoo duraan dursee, "Warra saba koo hin ta'initti akka hinaaftan nan godha, gaabbitanis saba wallaalaatti akka isin aartan nan godha" jechuu isaa Museen dubbateera*. ²⁰ Akkasumas immoo, "Warra ana hin barbaadinitti argameera, warra ana hin gaafatinittis mul'a-dheera" jechuu isaa Isaayaas mul'inatti dubbateera*. ²¹ Israa'el irratti immoo, "Harka koo guyyaa guutuu gara saba abboomamuu didee, anaan mormuutti bal'iseen jira" jedhee dubbateera" in jedha*.

*18 Far 19:4; Qol 1:23
*19 Kes 32:21; Rom 11:11
*20 Isa 65:1
*21 Isa 65:2

Araara Waaqayyoo Saba Israa'el Irratti

11 ¹ Egaa ani nan gaafadha, Waaqayyoo saba isaa gateeraa ree?

Matumaa kun ta'uu hin danda'u! Ani ofii kootii nama Israa'el, sanyii Abrahama gosa Beniyaamin keessaa tokko*. ² Waaqayyoo saba isaa warra duraan dursee beekumsa isaatiin fo'ate hin ganne; waa'ee isa Eliyaas, Waaqayyoon Israa'elitti kadhatee, caaffanni qulqullaa'aan waan jedhu in beektu mitii*? ³ Innoo, "Gooftaa! Isaan raajota kee ajjeesaniiru; iddoowwan aarsaa kees diiganiiru; ana duwwaatu hafe, isaan jireenya koos balleessuu in barbaadu" jedhe*. ⁴ Deebiin Waaqayyoo isaaf kenne immoo maal ture? "Ani namoota Ba'aaliif jilbeenfataniin hin sagadin kuma torba ofii kootiif hambifadheera" kan jedhu ture*. ⁵ Bara si'anaas immoo akkasuma hambaan warra Waaqayyoo ayyaana isaatiin fo'atee jiru*. ⁶ Fo'amuun isaanii ayyaanaan erga ta'ee immoo, hojii isaaniitiin ta'uu hin danda'u; kanaa achi ayyaanni ayyaana ta'ee jiraachuu hin danda'u*!

*1 Er 31:37; Filp 3:5; HoE 22:3
*2 Far 94:14
*3 1Mot 19:10,14
*4 1Mot 19:18
*5 9:27
*6 4:4; Gal 3:18

7 Egaa maal ta'inna laata ree? Warri Israa'el waan barbaadan argachuu in dadhaban; warri fo'aman argataniiru; warri kaan garuu in hadoodchifaman*.

* Akkuma caafamee jiru, "Waaqayyoo hafuura hadoodchu isaanitti fide, hamma har'aattis ija hin arginee fi gurra hin dhageenye isaaniiif kenne**".

⁹ Daawitis akkasuma, "Maaddiin isaanii furgaasaadhaa fi kiyoo, boolla itti qabamanii fi adaba isaanitti haa ta'u;

¹⁰ akka isaan hin arginetti iji isaanii haa dukkanaa'u, dugdi isaanis bara isaanii guutuu haa goopha'u" jedha*.

¹¹ Egaa ani nan gaafadha, gufachuun isaanii akka kufanii hafaniif moo ree? Matumaa kun ta'uu hin danda'u; garuu irra daddarbuu isaaniitiin, hinaaffaa garaa warra Israa'el keessaa dammaqsuudhaaf, warra Yihudoota hin ta'iniif

fayyinni argame*. ¹² Egaa irra daddar-buun isaanii biyya lafaatiif eebba erga badhaasee, hir'inni isaanii saba Yihudoota hin ta'iniif eebba erga badhaasee, warri Israa'el deebi'anii guutummaatti argamuun immoo hammam caalaa eebba haa ta'u laata*!

*7 9:16,18,31; 2Qor 3:14

*8 Kes 29:4; Isa 29:10; HoE 28:26-27

*10 Far 69:22-23

*11 10:19; HoE 13:46; Kes 32:21

*12 Er 4:1-2

Fayyina Warra Saba Waaqayyoo Hin Ta'ini

13 Ammas isin warra saba Waaqayyoo hin ta'inittan dubbadha; ani saba Waaqayyoo warra hin ta'iniif ergamaa akkuman ta'e, ergaa koo kanas ol ol nan qaba*. ¹⁴ Kanaan Yihudoota qomoo koo hinaafsissee, isaan keessaa muraasa illee oolcha yoon ta'e nan dhama'a*. ¹⁵ Gatamuun isaanii araaramuu biyya lafaa erga ta'ee, fudhatamuun isaanii immoo maal ta'inna laata? Inni warra du'a keessaa ba'aniif jireenya ta'uuf jira*.

*13 1:5

*14 1Qor 9:20-22; 1Xim 4:16

*15 His 37:1-28

16 Bukicha irraa gar tokko buddufamee Waaqayyoo kan qulqulleeffame yoo ta'e, guutummaan bukichaas kan qulqulleeffame in ta'a; hiddi muka tokkoos Waaqayyooof kan qulqulleeffame yoo ta'e, damoonni mukichaas kan qulqulleeffaman in ta'u*. ¹⁷ Garuu damoota sana keessaa kaan irraa cabnaan, ati immoo inni akka damee ejersa diidaa, soora mukichi ejersaa sun qabu irraa hirmaachuudhaaf iddoo damoota cabaniitti itti fayyifamteetta*, ¹⁸ damoota sanatti of hin jajan! Yoo of jajje garuu hiddichatu si qabee jira malee, ati hiddicha akka hin qabin yaadadhu*! ¹⁹ Ati immoo, "Akka ani iddoo isaanitti fayyifamuuf damoonni sun irraa caccaban" in jetta ta'a. ²⁰ Ba'essa jette; isaan amanti-dhabina isaanitiif irraa caccaban. Ati garuu amanti-qabeenya keetiin jabaatee in dhaabatta; kanaafis sodaadhaan eeggadhu malee, waan guddaa of hin se'in*. ²¹ Waaqayyoo, damoota warra mukichattii dhalatan hin qusanne erga ta'ee, sis hin qusatu. ²² Egaa gaarummaa fi humna

Waaqayyoo yaadadhu! Warra irraa kufanitti hamaa dha, siif garuu gaarii dha; kunis yoo ati gaarummaa isaatti jabaate duwwaa dha; kanaa achi atis immoo mukicha irraa in muramta*. ²³ Isaan immoo amanti-dhabina isaanii irraa yoo deebi'an, iddoo sanatti in fayyifamu; Waaqayyoo deebisee itti isaan fayyisuudhaaf humna qaba*. ²⁴ Ati inni muka ejersa diidaattii dhalatee, isa irraa muramtee, muka ejersa qe'ee isa akka uumamaatti sittii gargar ba'etti, kan fayyifamte erga taatee, hammam caalaatti warri ittii dhalatan kun deebi'anii muka isaanitti haa fayyifaman ree!

*16 Lak 15:17-21

*17 Efe 2:11-14

*18 Yoh 4:22

*20 Ibr 4:2; 1Qor 10:12

*22 Yoh 15:2,4,6; Ibr 3:14

*23 14:4; 2Qor 3:16

Araari Waaqayyoo Hundumaaf Ta'uu Isaa

25 Nutu gargar baasee hubate akka isin hin jenneef, dhoksaa dhugaa kana akka beektan nan barbaada, yaa obbooloota ko! Innis immoo, mata-jabinni Israa'el keessaa gar tokkottii dhufe, hamma warri saba Waaqayyoo hin ta'in guutummaatti saba isaatti dabalanani malee, isaan irratti hin hafu*. ²⁶ Israa'elis guutummaatti in fayyifama; caaffanni qulqullaa'aan waa'ee isaatiif,

"Inni furu Xiyoonii in dhufa, Waaqayyoo malee jiraachuus sanyii Yaaqoob keessaa in baasa*";

²⁷ akkasumas,

"Yeroon cubbuu isaanii isaan irraa fuudhu,

kakuu koo kana isaaniiif nan dhaaba" in jedha*.

*25 Luq 21:24; Yoh 10:16

*26 Isa 59:20-21; Far 14:7

*27 Er 31:33-34

28 Wangeela tuffachuu isaanitiin Yihudoonni sababii keessaniif jedhanii akka diina Waaqayyoootti in ilaalamu; fo'amu isaanitiin garuu sababii abbootaaf jedhanii Waaqayyoo duratti in jaallatamu*. ²⁹ Kennaan Waaqayyoo, waamichi isaas hin geddaramu*. ³⁰ Isin kanaan dura Waaqayyooof abboomamuu diddani turtan; amma garuu warri

Yihudootaa abboomamuu waan didaniif araara Waaqayyoo argattaniitu*. ³¹ Akkasuma immoo araara isa isin argattaniin, isaanis araara argachuu-dhaaf amma Waaqayyooof abboomamuu didan. ³² Waaqayyoo sanyii namaa hundumaaf araara kennuuf jedhee, namoota hundumaa abboomamuu diduu jalatti boojiisee*.

*28 15:8; 1Tas 2:15-16

*29 Lak 23:19; 1Sam 15:29

*30 Tit 3:5

*32 Gal 3:22; 1Xim 2:4

Galata Waaqayyoo

³³ Badhaadhummaan araara Waaqayyoo hammam guddata!

Ogummaan isaa fi beekummi isaa hammam gad fagaata!

Akka inni itti murtoo godhu, namni qoree bira hin ga'u! Karaa isaas namni faana dha'ee hin hubatu*!

³⁴ Caaffata keessatti iyyuu,

"Eenyutu takkaa yaada garaa Waaqayyoo beeka ree?

Yookiis eenyutu gorsa kennuufii danda'e ree*?

³⁵ Eenyutu waa isaaf kennee beeka ree?

Eenyutus waa isa dubbifata ree?" kan jedhu caafameera*.

³⁶ Wanta hundumaa Waaqayyotu uume;

wanti hundumtuu isaan in jiraata;

wanti hundumtuu isaaf in jiraata; bara baraan isaaf galanni haa ta'u! Ameen*!

*33 Isa 45:15; 55:8; Iyo 11:7-8

*34 Isa 40:13; Er 23:18; Iyo 15:8;

1Qor 2:16

*35 Iyo 41:11

*36 16:27; 1Qor 8:6; 2Phe 3:18

Waaqayyooof Hojjechuudhaaf Jiraachuu

12 ¹ Ammas yaa obbooloota ko, araara Waaqayyooof jedhaatii namummaan keessan qulqullaa'aadhaa fi Waaqayyoo duratti fudhatamaa akka ta'utti, aarsaa jiraatu gootanii akka isa dhi'cessitan isin nan gorsa; akkasittis hafuuraan Waaqayyooof in sagaddu*. ² Fakkeenya jireenya bara isa darbu kanaa duukaa hin bu'inaa! Jaalalli

Waaqayyoo isa kam akka ta'e gargar baasuudhaaf, yaada garaa keessanii haareffachuudhaan of diddiiraa! Jaalalli Waaqayyoo immoo waan gaarii ta'e, waan isa duratti fudhatamaa ta'e, waan akeeka isaa fiixaan baasus hubachuu dha*.

*1 6:13

*2 Efe 4:17,22,23; 5:10,17

3 Ayyaana isa anaaf kennameen namni waan yaaduun isaaf ta'u caalaatti akka of hin yaadne, tokkon tokkon keessanitti nan hima; garuu adduma addaan akka amanti isaaf kenna-meetti akka of ilaaluun ta'uufitti, haa yaadu*! ⁴ Nuyi dhagna tokkotti bu'aa dhagna baay'ee qabna; bu'aan dhagnaa hundinuu immoo hojii adda addaa qabu*. ⁵ Akkasuma nus immoo utuma baay'ee taanee jirruu, Kristositti dhagna tokko; nuyis bu'aa dhagna walii ti*. ⁶ 11:20; 1Qor 12:11; 2Qor 10:13; Gal 6:3; Efe 4:7

*4 1Qor 12:12-13

*5 1Qor 12:27; Efe 4:25

6 Akka ayyaana Waaqayyoo isa nuuf kennameetti kenna garaa garaa qabna; kennaan isaa waan Waaqayyoo namatti ibsu dubbachuu yoo ta'e, akka amantichaa wajjin waliif galutti dubbachuu dha. ⁷ Kennaan keenya hojiidhaan nama gargaaru yoo ta'e, hojiidhaan nama gargaaruutti in jabaanna! Barsiisuu yoo ta'e barsiisichatti haa jabaatu! ⁸ Kennaan isaa nama gorsuu yoo ta'e, gorsuutti haa jabaatu! Inni namaaf kennu, garaa qulqulluudhaan haa kennu! Inni dura bu'us dhimmee haa geggeessu! Namni namaa oo'us fuula ifaadhaan haa hojjetu*!

*6-8 1Qor 12:4-11; 14:1

*7 1Phe 4:10-11

*8 Mat 6:2-3; 2Qor 9:7

Namootaaf Hojjechuudhaa Fi Jiraachuu

9 Nama jaallachuun keessan jaalala dhugaa haa ta'u, waan hamaa jibbaa, wanta gaarii ta'etti qabamaa jiraadhaa*! ¹⁰ Jaalala obbolummaatiin ho'isaa wal jaalladhaa; walii keessaniif ulfina kennuudhaaf wal dorgomaa*! ¹¹ Waa dhimma baasuudhaaf hin dhi-baa'inaa! Hafuura gubaa qabaadhaa! Gooftichaafis of irraa bu'aa hojje-dhaa*! ¹² Abdii qabdanitti gammadaa;

rakkina obsaa; Waaqayyoon kadha-chuuttis cimaa*! ¹³Warra Waaqayyoof qulqullaa'an rakkina isaaniitti gargaaruu keessaa qooda qabaadhaa! Keessummoota simachuutti dhimmaa*!

*9 *1Xim 1:5; Amo 5:15*

*10 *Filp 2:3; 1Phe 1:22; Ibr 13:1*

*11 *HoE 18:25; Efe 6:7; Qol 3:23; Mul 3:15*

*12 *5:2-3; 1Tas 5:16-17*

*13 *Ibr 6:10; 13:2; 1Phe 4:9; 3Yoh la 5-8*

14 Warra isin ari'atan eebbisaa, isaan eebbisaa malee hin abaarinnaa*! ¹⁵Warra gammadanii wajjin gammadaa; warra boo'anii wajjinis boo'aa*! ¹⁶Waa'ee walii keessaniiif yaada tokko qabaadhaa; isin ol of qabuu hin yaadinaa, warra gad deebi'anii wajjin jiraachuun baraa! Nuyi ogeessota ofiin jettanii, ogummaa keessan of duwwaadhaaf hin godhatinaa*! ¹⁷Namni hamaa yoo isin irratti hojjetee, deebifanii hamaa irratti hin hojjetinaa! Waan fuula nama hundumaa duratti fudhatamaa ta'e yaadatti qabadhaa*! ¹⁸Nama hundumaa wajjin nagaatti jiraachuudhaaf karaa keessan wanta danda'amu hundumaa godhaa*! ¹⁹Michoota ko! Ijaa baasuu dheekkamsa Waaqayyooti dhiisaa malee, ofii keessanii ijaa hin baafatinaa! Caaffata qulqullaa'aa keessatti, Waaqayyo gooftaan, "Ijaa baasuun kan koo ti, ani hojii namaa mataa isaa irratti nan deebisa" jedhee dubbateera*. ²⁰Id-doo tokkotti immoo, "Diinni kee yoo beela'e nyaachisi, yoo dheebotes obaasi! Kana gochuu keetiinis gaabbee akka inni yeella'u in goota" jedhamee caafameera*. ²¹Waan gaariidhaan isa hamaa mo'i malee, hamaan si hin mo'in! ¹⁴Mat 5:44; Luq 6:28; 23:34; 1Qor 4:12; 1Phe 3:9

*15 *Far 35:14; 2Qor 11:29*

*16 *15:5; Filp 2:2-3; Isa 5:21; Fak 3:7*

*17 *2Qor 8:21; 1Tas 5:15; Fak 20:22*

*18 *14:19; Mat 5:9; Mar 9:50; Ibr 12:14*

*19 *Lew 19:18; Kes 32:35; Mat 5:39*

*20 *2Mot 6:22-23; Fak 25:21-22; Mat 5:44*

Waan Warra Aboo Qabaniif Gochuun Ta'u

13 ¹Namni hundinuu warra biyya bulchuudhaaf aboo qabaniif haa abboomamu! Fedha Waaqayyoo malee aboo qabachuun hin danda'amu; warra aboo qabatanis Waaqayyotu achi isaan dhaabe*. ²Kanaaf namni aboo kanaaf abboomamuu didu, waan Waa-

qayyo dhaabeen in morma; warri kana godhanis firdii of irratti in fidu. ³Namoota waan gadhee hojjetan malee, namoonni gaarii hojjetan warra biyya seerratan hin sodaatan. Egaa atis aboo isaanii akka hin sodaanne godhachuu in barbaaddaa? Yoos waan gaarii hoj-jedhu! Akkasitti warra aboo qaban biraa galata in argatta*. ⁴Isaan kun waan gaarii hojjechiisuudhaaf Waaqayyoo biraa siif kennaman. Ati waan hamaa yoo hojjetee garuu, isaan sodaa-dhu! Isaan nama hamaa hojjetu irratti adaba Waaqayyoo raawwachuudhaaf malee, billaa isa ittiin adabuudhaaf itti kenname sana akkasumaan hin baatan*. ⁵Kanaafis, namni adaba Waaqayyoo duwwaaf utuu hin ta'in, yaada garaa isaa ciibsachuuf abboomamuun in ta'a. ⁶Isinis kanaaf gibira baafu, warri aboo qaban kunis yeroo kana raawwachuudhaaf dhaabatanitti Waaqayyooof hojjechuu isaanii ti. ⁷Egaa hundumaaf waan isaan isin irraa argachuuf malan, baasaaf; isa gibirri isaaf ta'uuf gibira, isa qaraxi isaaf ta'uuf qaraxa, isa sodaatamuun isaaf ta'uuf sodaatamuu, isa ulfinni isaaf ta'uuf ulfina kennaaf*!

*1 *Yoh 19:11; Tit 3:1*

*3 *1Phe 2:13-14*

*4 *2Sen 19:6-7*

*7 *Mat 22:21; Mar 12:17; Luq 20:25*

Waan Waliif Gochuun Ta'u

8 Wal jaallachuu irraa kan hafe gatii wal dubbifattan hin qabaatinaa! Namni nama jaallatu waan seerri isa irraa barbaadu raawwachuu isaa ti*. ⁹Abboommonni, "Hin ejjin, hin ajjeesin, hin hatin, waan namaa hin hawwin" jedhan, warri kaanis hundi-nuu dubbii tokkicha isa, "Nama akka ofii keetiitti jaalladhu!" jedhuun in xumuramu*. ¹⁰Namni nama erga jaallatee, waan hamaa isa irratti hin hojjetu; kanaafis nama jaallachuun seera raawwachuu dha*.

*8 *Mar 12:31; Yoh 13:34; Gal 5:14; 1Xim 1:5*

*9 *Bau 20:13-17; Lew 19:18; Kes 5:17-21; Mat 22:39-40*

*10 *1Qor 13:4*

11 Yeroo itti dura amanne caalaas amma guyyaan fayyinaa waan nutti dhi'aateef, yeroon kun yeroo itti hirri-baa dammaquun isin irra jiru ta'uu isaa

beekaa*! ¹²Halkanichi sokkee, guyyichi dhi'aateera, kanaafis kottaa hojii dukkana keessa hojjetamu of irraa fuu-nee gannee, mi'a lolaa isa ifa keessa ittiin hojjetan in hidhannaa*! ¹³Kottaa amala keenya tolfannee akka warra ifa guyyaa keessa deddeebi'aniitti jiraanna malee, albaadhummaatti yookiis machiitti, halalummaatti yookiis gad-dhiisatti, nama loluutti yookiis weennootti hin jiraannu*. ¹⁴Gooftaa Yesus Kristosin akka uffata sibiilaatti uffadhaa malee, hawwa namummaa foonii raawwatani isas gammachiisuudhaaf garaa hin kenninaa*!

*11 *Efe 5:14,16; 1Tas 5:6-7*

*12 *1Tas 5:8; Efe 5:11; 6:13; 1Yoh 2:8*

*13 *Luq 21:34; Efe 5:18*

*14 *Gal 3:27; 5:16; Qol 2:23; 1Phe 2:11*

Yaada Waliitti Dafanii Akka Hin Faranne

14 ¹Nama dubbii amantiitti dhabaa ta'e ofitti qabaa! Isa ofitti qabuun keessan garuu yaada inni fudhateen morkachuudhaaf hin ta'in*. ²Namni waa gargar baasee hubate waan hundumaa nyaachuu akka danda'u in amana; inni gargar baasee hubachuu dadhabe garuu, nyaata biqiltuu garaa garaa in nyaata*. ³Inni nyaata hundumaa sooratu, isa nyaata hundumaa hin sooranne sana hin ceepha'in; inni nyaata hundumaa hin soorannes isa sooratutti hin faradin! Waaqayyoo isas ofitti qabeera*. ⁴Ati inni hojjetaa biraatti faraddu, eenyu ati? Inni yoo dhaabates, yoo kufes gooftaa isaatu beeka; haa ta'u iyyuu malee, gooftichi isa dhaabachiisuu waan danda'uuf inni in dhaabata*.

*1 *15:1-2,7*

*2 *Uma 1:29; 9:3; 1Qor 10:25*

*3 *1Qor 8:8-9; 10:23; Qol 2:16*

*4 *Yaq 4:11-12*

5 Namni guyyaa tokko guyyoota warra kaan irra caalchifatu jira; inni kaan immoo guyyoota hundumaa wal qixxeetti ilaala. Kana irratti namni adduma addaan akkuma fudhatetti yaada isaa gar tokkotti haa kutatu*! ⁶Namni guyyicha yaadatu gooftaadhaaf isa yaadatu; inni nyaata hundumaa sooratu Waaqayyoon waan galateeffatuuf, gooftaa isaatiif hojjechuudhaaf in soorata. Inni nyaata hundumaa hin sooran-

nes gooftaa isaatiif hojjechuudhaaf soorachuu dhiisa, Waaqayyoon immoo in galateeffata*. ⁷Nu keessaa tokko illee akeeka ofii isaatiif hin jiraatu; tokko illees akeeka ofii isaatiif hin du'u*. ⁸Yoo jiraanne, akeeka gooftichaatiin jiraanna, yoo duunes akeeka gooftichaatiin duuna; egaa jiraannus duunus nuyi kan gooftichaa ti*. ⁹Gooftaa warra du'aniif warra jiranii ta'uudhaaf, Kristos du'ee deebi'ee jiraate*.

*5 *Gal 4:10*

*6 *Qol 3:17; 1Xim 4:4-5*

*7 *2Qor 5:15; Gal 2:20*

*8 *6:10-11; 1Tas 5:10; Luq 20:38*

*9 *HoE 10:42*

10 Ati garuu maaliif obboleessa keetti faradda ree? Yookiis ati maaliif obboleessa kee ceephaata ree? Hundumti keenya barcuma firdii Waaqayyoo duratti dhi'aachuuf jirra*. ¹¹Caaf-fata qulqullaa'aa keessatti, "Dhugaa ana isa jiraataa! Jilbi hundinuu anaaf jilbeenfachuuf, arrabni hundinuu ani Waaqayyoo akkan ta'e beeksisuuf jiru" jedha gooftichi" kan jedhu caafameera*. ¹²Kanaafis nu keessaa hundumtinuu adda addaan waan godhe sababii isaa wajjin Waaqayyotti himuuf jira*. ¹⁰2:16; Mat 7:1; 25:31-32; HoE 17:31; 2Qor 5:10

*11 *Isa 45:23; Filp 2:10-11*

*12 *Gal 6:5*

Amantoota Karaa Waaqayyoo Irraa Akka Hin Gufachiifne

13 Egaa kottaa walitti hin farannuu, isin gufuu dura keessanii obboleessa keessan karaa Waaqayyoo irraa akka hin gufachiifneef murtoo godhaa malee*. ¹⁴Ani karaa gooftaa Yesus wanti tokko illee ofii isaatii xuraa'aa akka hin ta'in beekeera, fudhadheeras; namni tokko wanti kun xuraa'aa dha jedhee yoo amane garuu, isaaf xuraa'aa in ta'a*. ¹⁵Nyaanni ati nyaattu yaada obboleessa keetii yoo miidhee, ati jaalalatti qabamtee jiraatta miti; nyaata ofii keetiif nyaattuun nama Kristos du'eef, gara badiisaatti hin geessin*. ¹⁶Kanaanis wanta gaarii Waaqayyoo biraa argattan hin arrabsiisinaa! ¹⁷Mootummaan Waaqayyoo, mootummaa qajeelummaa, nagaa fi gammachuu warra hafuura qulqulluu biraa kennamanii ti malee, mootummaa nyaataa fi dhugaatii miti*.

¹⁸ Namni isaan kanatti qabamee Kristosiif hojjetu, Waaqayyoon in gammachiisa, namoota birattis in fudhatama.

^{*13} Mat 18:7; 1Qor 8:9; 10:32-33

^{*14} Mat 15:11; HoE 10:15; Tit 1:15

^{*15} 13:10; 1Qor 8:11-13

^{*17} Mat 6:33; 1Qor 4:20; 8:8; 1Ibr 13:9

19 Kanaafis kottaa wanta nagaaf ta'u, waan ittiin jireenya tokkummaa waliif ijaarru duukaa in buunaa*!
²⁰ Nyaataaf jettee hojii Waaqayyoo hin diigin; wanti nyaatamu hundinuu qullaa'aa dha; namicha nyaata isaatiin nama gufachiisuuf garuu gadhee dha*.
²¹ Egaa foon nyaachuu, daadhii waynii dhuguu yookiis waanuma obboleessi kee ittiin gufatu dhiisuun gaarii dha*.
²² Waan qajeelaa dha jettee amantee fudhatte immoo, ofii kee fi Waaqayyoo gidduutti qabaadhu! Namni wanta hubatee fudhate sanatti deebi'ee ofitti hin faranne gammachuu qaba*. ²³ Namni mamaa waa nyaatu garuu, amantiidhaan waan inni hin fudhatiniif itti in faradama; wanti amantiidhaan hin hojjetamne hundinuu cubbuu dha*.

^{*19} 12:18; 15:2

^{*20} 1Qor 3:21-23; 8:7; Tit 1:15

^{*21} 1Qor 8:13

^{*22} 1Qor 10:25-27; 1Yoh 3:21

^{*23} 14:14

Warra Kaan Gammachiisuun Of Gammachiisuu Dura Bu'uun Akka Ta'u

15 ¹ Nuyi warri dubbii amantiitti jajjaboo taane, dadhabbii warra dadhabootaa baachuutu nuuf ta'a malee, ofii keenya gammachiisuudhaaf dhama'uu miti*. ² Nu keessaa adduma addaan isa kaaniif gaarii akka ta'uuf, jireenya tokkummaas akka ijaaruufta nama haa gammachiisu*! ³ Kristos immoo, isa caaffanni qulqullaa'aa, "Arabssoon ittiin si arrabsan ana irra bu'e" jedhutu isa irratti raawwatame malee, inni ofii isaa hin gammachiifne*. ⁴ Nuyi obsaa fi jajjabina caaffanni qulqullaa'oon nuuf kennaniin abdii akka argannutti, wanti caaffata qulqullaa'oo keessatti caafaman hundinuu nu barsiisuuf caafaman*. ⁵ Waaqayyoo inni obsaa fi jajjabina namaaf kennu immoo, fakkeenya Kristos Yesus duukaa buutanii, walii galtee akka qabaattaniif isin haa dandeessisu*. ⁶ Yaada tokkos qabaattanii, sagalee tokkicha Waaqay-

yyoon abbaa gooftaa keenyaa Yesus Kristos akka galateeffattaniif isin haa gargaaru*!

^{*1} 14:1-2; 1Qor 9:22

^{*2} 14:19; 1Qor 9:10; 10:24,33; 1Tas 5:11

^{*3} Yoh 8:50; Far 69:9

^{*4} 4:23-24; 1Qor 10:11; 2Xim 3:16

^{*5} 12:16; Filp 2:2

^{*6} HoE 4:24

Wangeelli Warra Yihudoota Hin Ta'iniifis Kennamuu Isaa

⁷ Egaa akkuma Kristos ofitti isin qabe, isinis Waaqayyoon galateeffachiisuuf akka ta'utti, inni tokko isikaan ofitti haa qabu*. ⁸ Kristos amannummaa Waaqayyoo argisiisuudhaaf kanaanis abdii Waaqayyoo abbootaa kenne cimsuudhaaf, hojjetaa Yihudoota warra seera dhagna-qabaa eegani akka ta'e isinittan hima*. ⁹ Akkasumas saba Yihudootaa warri hin ta'in, araara isaatiif Waaqayyoo ulfina akka kennaniif hojjetaa isaaniif ta'e. Akkuma caafamee jiru,

"Kanaafis ani saba Waaqayyoo warra hin ta'in gidduutti sin galateeffadha, maqaa kees nan faarfadha" jedha*.

¹⁰ Ammoo, "Isin saba Waaqayyoo warri hin ta'in, saba isaatii wajjin gammadaa!" jedhameera*.

¹¹ Ammas immoo, "Isin saba Waaqayyoo warri hin ta'in hundumti keessan, goofticha galateeffadha! Sabni hundinuu isa haa galateeffatan*!"

¹² Isaayaas immoo itti dabalee, "Hidda Iseyi keessaa tokko dhufuuf jira, inni warra saba Waaqayyoo hin ta'in bulchuudhaaf in ka'a; warri saba Waaqayyoo hin ta'inis abdii isaanii isa irra in kaa'atu" jedhe*.

¹³ Humna hafuura qulqulluutiin abdiitti guddachaa akka adeemtanitti, Waaqayyoo inni abdii namaaf kennu, isatti amanuu keessaniin gammachuu fi nagaa hundumaan isin haa guutu*!

^{*7} 14:1

^{*8} Mat 15:24; 20:28; HoE 3:25

^{*9} 2Sam 22:50; Far 18:49

^{*10} Kes 32:43

^{*11} Far 117:1

^{*12} Isa 11:1,10; Mat 12:21; Mul 5:5

^{*13} 5:1-2

Sababii Akkasitti Caafeef Mul'isuu Isaa

14 Yaa obboloota kol! Ani ofii kootii gaarummaa guutuu akka qabdan, beekumsa hundumaan akka isin guutamtan, wal gorsuus akka isin dandeessan, mama tokko malee hubadheera*. ¹⁵ Garuu ayyaanni Waaqayyoo biraa waan anaaf kennameef, waa'ee waan tokko tokkoo isin yaa-dachiisuudhaaf caalaa ija jabinaan isiniif caafeera*. ¹⁶ Ani warra saba Waaqayyoo hin ta'iniif hojjetaa Kristos Yesus ta'ee, wangeela Waaqayyoo akka lubaatti hojjechuudhaaf ayyaana argadheera; akkasittis warri saba Waaqayyoo hin ta'in, hafuura qulqulluudhaan addaan baafamanii, akka aarsaatti Waaqayyoo duratti akka fudhatamaniif isaaniif nan hojjedha*.
¹⁷ Egaa karaa Kristos Yesus, ani hojiin amma Waaqayyoo hojjedhu kaanan kooruudhaaf sababii qaba*.
¹⁸ Kristos warra saba Waaqayyoo hin ta'in Waaqayyoo abboomsisuudhaaf, harka kootiin waan raawwate duwwaa dubbachuudhaaf ija nan jabaadha; kanas waanan dubbadhee fi waanan hojjedheen raawwate*. ¹⁹ Kan inni raawwates humna milikkitoosaa fi dinqii baay'etiin, humna hafuura qulqulluutiinis ture; kanaafan Yerusaleemii jalqabee naanna'ee hamma lliiriquumitti guutummaatti wangeela Kristos lallabuu danda'e*. ²⁰ Hundee namni kan biraa jalqabee irratti akkan hin hojjenneef immoo, lafa takkaa maqaan Kristos hin dhaga'aminitti malee, wangeela akkan hin lallabne murtoo godheera*. ²¹ Akkuma caafame iyyuu,

"Isaan isa takkaa waa'een isaa isaanitti hin himamin in argu; isa takkaa waa'ee isaa hin dhaga'inis in hubatu" jedha*.

^{*14} Filp 1:9

^{*15} 1:5; 12:3

^{*16} 11:13; 12:1; Filp 2:17

^{*17} 2Qor 1:12-14

^{*18} 1:5; 2Qor 3:5; 4:5

^{*19} Mar 16:17; HoE 14:3; 2Qor 12:12

^{*20} 2Qor 10:15-16

^{*21} Isa 52:15

Akeeka Roomaa Dhaquu Isaati Mul'isuu Isaa

²² Sababii kanaaf yeroo baay'ee isin bira dhufuun anaaf hin danda'anne*. ²³ Amma garuu naanna'aa kanaa hojii hafe waanan hin qabneef, dhufee isin arguudhaafis waggaa baay'ee hawwaa waanan tureef*, ²⁴ yeroo ani Isphaaniyaa dhaquudhaaf achiin darbu isin argee, takka isinitti gammadee, karaa koo irra akka na buuftan nan abdadha. ²⁵ Amma garuu warra Waaqayyoo qulqullaa'aniif gargaarsa fuudhee Yerusaleem dhaquu koo ti*.
²⁶ Warri Maqedooniyaa fi warri Akaayyaa, hiyyeessota Yerusaleemitti warra Waaqayyoo qulqullaa'an gidduutti argamaniif, waan tokkummaa isaanii ittiin mul'isan buusuudhaaf jaallataniiru*. ²⁷ Isaan warri Yihudoota hin ta'in kun jaalala isaaniitiin kana godhan; karaa tokko immoo kun waanuma gochuun isaan irra jiru ture; erga warri Yihudootaa eebba hafuura isa Waaqayyoo irraa argatan warra Yihudoota hin ta'inni wajjin hirmaatanii, warri Yihudoota hin ta'inis waan jireenya fooniitiif argataniin warra Yihudootaa gargaaruun isaan irra jira*. ²⁸ Ani hojii kana raawwadhee, horicha isaaniif walitti qabame sanas amanamummaadhaan eegee ergan itti kennee, karaa keessan darbee Isphaaniyaa dhaquudhaaf nan adeemaa. ²⁹ Yeroon dhufus, eebba Kristos guutummaatti isiniif fidee akkan dhufu anuu beeka*.

^{*22} 1:13

^{*23} 1:10-11

^{*25} HoE 18:21; 19:21; 20:22; 24:17

^{*26} HoE 11:29; 1Qor 16:1; 2Qor 8:1-4

^{*27} 9:14; 1Qor 9:11

^{*29} 1:11

³⁰ Yaa obboloota ko gooftaa keenya Yesus Kristosiin, jaalala hafuurri qulqulluun nuuf kenneenis, isin anaa wajjin dhimmitanii Waaqayyoon akka anaaf kadhattaniif isinittan himadha*. ³¹ Yihudaa keessatti miidhaa warra hin amanee akkan ooluuf, warri Waaqayyoo qulqullaa'an gargaarsa ani Yerusaleemitti geessu gammachuudhaan akka fudhataniif, Waaqayyoon anaaf

kadhadhaa*! ³²Ani immoo, jaalala Waaqayyoo yoo ta'e gammachuudhaan isin bira nan dhufa, isinii wajjin wal arguudhaanis yaadni koo in boqota*.

³³Waaqayyoo inni nagaa kennus hunduma keessan bira haa jiraatu! Ameen*!

*30 2Qor 1:11; Efe 6:18-19; Filp 1:27; 2Tas 3:1

*31 HoE 21:11,27; 2Tas 3:1-2

*32 1:10

*33 16:20; 1Tas 5:23; 2Tas 3:16

Amantoota Tokkoof Nagaa Erguu Isaa

16 ¹Feebeen obboleettii keenya ishee waldaa kristiyaanaa Kanchre'aaf gargaartuu taatee hojjetu, hadaraan isiniitti kennadha*.

²Isheen is kan gooftaa waan taateef simamsa warra Waaqayyoo qulqullaa'aniif ta'uun ishee simaa! Waan barbaachisu hundumaanis ishee gargaaraa! Isheen namoota baay'eedhaaf anaafis immoo dubbattee gargaaraa turte*.

*1 HoE 18:18

*2 Filp 2:29

³Hojii Kristos Yesusitti warra hidhata koo ta'an, Phisqiilaa fi Aqiilaa-dhaaf nagaa koo anaaf dhi'eessaa*!

*3 HoE 18:2,18,26

*5 1Qor 16:19

⁸Amphilliyaaxos isa karaa gooftaa michuu koo ta'etti nagaa koo anaaf himaa! ⁹Urbaanos isa hojii Kristositti hidhata keenya ta'eef Isxaakis michuu kootti nagaa koo anaaf himaa! ¹⁰Apheles isa kan Kristos ta'uun isaa qoramee bira

ga'ameef nagaa koo anaaf dhi'eessaa! Namoota maatii Arisxobulos keessaa dhufanitti nagaa koo anaaf himaa! ¹¹Herodiyon Yihudii akka kootiitti nagaa koo anaaf himaa! Maatii Naarksos keessaa warra gooftaa fudhataniiif nagaa koo anaaf dhi'eessaa!

¹²Triifeenee fi Triifaasee warra hojii gooftaatti dadhabaa jiranitti nagaa koo anaaf himaa! Pharsiis jaallatamtuu ishee hojii gooftaatti baay'ee dadhabdeef nagaa koo anaaf dhi'eessaa! ¹³Ruufos isa hojii gooftaatti fo'ame, akkasuma immoo haadha isaa ishee anaafis haadha taatetti nagaa koo anaaf himaa*!

14 Asinkriixosii fi Filegoonii fi, Hermesii fi Phaaxrobaas, Hermaasii fi obboloota isaan bira jiraniifis nagaa koo anaaf dhi'eessaa! ¹⁵Filologosii fi Yuliyaaatti, Neryoosii fi obboleettii isaatti Olimphaasittis, warra Waaqayyoo qulqullaa'anii isaan bira jiran hundumaattis nagaa koo anaaf himaa! ¹⁶Yaada qulqullaa'aatiin wal dhungachuudhaan nagaa wal gaafadhaa! Waldoonni Kristos hundinuu nagaa isaanii isiniif in ergu.

*13 Mar 15:21

*16 1Qor 16:20; 1Phe 5:14

Gara Dhumaatti Gorsa Kennuu Isaa

¹⁷Obboloota ko! Warra barsiisa isin fudhattaniiin mormuudhaan yaada namootaa gargar baasanii, amantii irraa kuffisanittii akka of eeggattan isin nan gorsa; isaan irraa fagaadhaa*!

*17 Mat 7:15; Filp 3:2; 2Tas 3:6; 1Xim 6:3-5; Tit 3:10

*18 Filp 3:18-19; Qol 2:4; Tit 1:10; 2Phe 2:1,14,15

*19 1:8; Mat 10:16; 1Qor 14:20

*20 15:33; Uma 3:15

²¹Ximotewos hidhati koo akkasumas immoo Yihudoonni akka kootii Luukiyosii fi Yaason, Sosiiphaaxrosis nagaa isiniif dhaamu*.

²²Ani Xerxios ergaa kana caafuu isaa kanan gargaare, nagaa isin nan gaafadha.

²³Gaayos, inni nuyi, namoota waldaa kristiyaanaa kanaa hundumaas mana isaatti simate, nagaa isiniif erga; Erasxos inni horii mandarichaa baatu, obboleessi keenya Ku'arxosis nagaa isiniif dhaamu*.

[²⁴Ayyaanni gooftaa keessanii wajjin haa ta'u! Ameen*!]

*21 HoE 16:1-3; 13:1; 17:5; 19:22; 20:4; Filp 2:19

*23 HoE 19:29; 1Qor 1:14; 2Xim 4:20

*24 1Qor 16:23

Waaqayyoon Galateeffachuudhaan Dubbii Isaa Dhaabuu Isaa

²⁵Waaqayyoo akka wangeela kootii, akka isa ittiin Yesus Kristos lallabameetti, akka mul'achuu dhoksaa isa bara duriitii jalqabee hin dubbatamin tureettis, amantiitti isin jabeessuu in danda'a*.

²⁶Amma garuu dhoksaan kun ifatti ba'eera; akka Waaqayyoo inni bara baraan jiraatu ajajettis, gara amantiitti, gara abboomamuuttis isaan geessuudhaaf caaffata raajotaatiin saba hundumaatti beeksifameera*.

²⁷Karaa Yesus Kristos Waaqayyoo isa ogeessa tokkichaaf hooqubaan bara baraan haa ta'u! Ameen*!

*25 Efe 1:9; 3:4-9; Qol 1:26; 2Tas 3:3; 1Xim 3:16

*26 1:5; 1Phe 1:20

*27 11:36; 1Xim 1:17; Yih la 25